


# LISWAYO LA MULIMU

 ...?...mufuta fela wa kale o ne lubanga ni ona myaha yemiñata kwa mulaho, mi luitumezi hahulu ka zona. Mi Na itumela ka kuopela ko kufitelezi kwani, kuopela kwani kaufela, ni zona lipina ze ipitezi ze. “Ha se Ni zamaile maili ya mafelelezo mwa musipili; ni yo pumula ha se ili manzibwana.” Kwani ki kona, mwendi, inge ni inzi fela fa, ha ne basweli kuopela cwalo, na talima fande ni kubona lizazi ha li likela; linyunywani kaufela li opelela mwatasi mi ka bunolo, kaufela se li felile cwale mi liile kwa kupumula, kamuso kakusasana li yo zuhela kwa lizazi lelinca.

2 Mi kona mo kuinezi ni bupilo; mazazi a ku sebeza sa ka be afelile cwanoñu, mi lu lobala fa sipula sa luna. Ni tabela kuambola ni Yena ka zazi lani, ni ambole fela ni Yena. Ni apezi liapalo zaka, ni ku kena mwa muzuzu.

3 Ka kuziba cwana kuli, sina Muhalalehi Paul mwa na bulelezi kuli, “Na Mu ziba mwa Mata zuho ya Hae.” Kuli, nako Ya ka ni biza kuzwa mwahala bafu, Ni ka bizwa homo ni bona. “Ku Mu ziba mwa Mata a zuho ya Hae.” Isi ku Mu ziba ka linzwi kamba ka kezo, kono ku Mu ziba mwa Mata a zuho ya Hae. Yeo ki iliñwi ya—ya sepo ya luna yetuna busihu boo, mi sepo fela inosi ye lunani, ona mwa . . . zuho yetuna ya Mulena luna Jesu; mi zuho ya luna ya makalelo ye lunani cwale, kuzwa mwa lifu kukena mwa Bupilo, ka kuba ni Bupilo Bobusafeli ka Jesu Kreste.

4 Kulibelega, ni tibelega ye kanya, ya libupiwa kaufela, kufitela zazi lani Ha ka taha ka nako ya bubeli, kuzwa kwa Lihalimu, Yoo Mulimu aka luma mwa mwaha wateni. Mi cwale mibili ye shwa ye, mo lu tongela cwale, i ka apala ku sa shwa, “Mi lu ka cinciwa ni kuba sina mwa mubili wa Hae Tota o kanya, kakuli lu ka Mu bona ka Mwa inezi.”

    Mi sibi ni maswabi, sibi ni lifu za lifasi le li nsu le li ka fela,  
    Mwa puso ye kanya ye ni Jesu ya myaha ye sikiti ya kozo.

5 Linyunywani li libelezi ona zeo. Likota li libelezi ona zeo. Zebupilwe kaufela za sikama ni kulila, kulibelega yona nako yani, li tongela ku apeswa sinca.

6 Musizana waka yomunyinyani, fa nako nyana yefitile, u ni buzize puzo. Ki hali, “Tate, kana lifasi le ne li bonahala cwani Mulimu ha na lifelize?”

7 Se nili, “Neli nto yende, mulatiwa. Neli nto yende.” Mi se Nili, “Zazi leliñwi i kaba ona cwalo hape, sikuto ha si ka takulwa. Mi kipeto lu ka . . . Ikaba sina mo ne kuinezi kwa simuluho, paradaisi yetuna ya Mulimu.”

<sup>8</sup> Cwale, ku kenelela fela mwa musebezi. Ne ni sweli kunahana cwale, busihu bwapili . . . Bo ki busihu bwa bulalu mwa ancafazo ya luna. Mi ha lu si kaba mane ni mukopano wa foliso. Ki ku katuluha fela, ka kubulela fela maikuto a luna, ni kuluta Evangeli mwa nzila ya kale; yona Evangeli yeswana yene Ni lutile kwanu, myaha yemiñata, ñata kwa mulaho, ha isika cinca nihaiba hanyinyani. Yeo ki niti, ki Evangeli fela yeswana, isiñi ye ncafalizwe kamba ku eziwa bunca; ki Evangeli fela yeswana.

<sup>9</sup> Kwande mwa lisebezezo, kuna ni likopano ze kopani kopani hamoho, fa mayemo a kuba ni miyaho ni likopano zeñata ze shutana za batu baba taha hamoho, mu ikinele kwa Tuto; kaufela kwanda foliso ya Bumulimu, mi, eni sha, ki kuamuhela Mulena Jesu. Kono hauli mwa lapa la henu, inge keleke ye mipaka ya mwa lapa mo, mu i kutwa fela cwalo inge ku futula kola ya hao mwa mulala, ni ku kutaza so nahana kuli kona se si lukile, mi kipeto kihona.

<sup>10</sup> Mi linako zeñata, mwahali mo, luna ni, linako zeñata, batu ha ba lumelelani. Ha lukoni ku kulubela kuli mutu kaufela a lumelelane ni luna mwa Lituto za keleke ya luna ni lika ze lunani. Kono lwa kona kuba nto yeswana, sina mulisana wa mina ha na kutaza, kono u ka ba muzwale waka. Musike mwa li shwaula. Mi mutu kaufela utalima fa lika ka ku shutana.

<sup>11</sup> Mi mwa biki ye, ka kubona kuli Ni kansuzi sunda mutumbi mwa Canada, bakeñisa mbundu, kiñi, si ni file lithonolo fa kutaha kwanu kwa tabernakele ka ancafazo ya masihu a likani, zene Ni sepisize ha Ni funduka. Mi Ni file, kuli nekusina . . . “neba isiñi sebezezo ya foliso; neli ku kutaza fela Evangeli.” Kihona . . . Mi ku yona ye, na fumana, Ne ni hupula kuli mwendi lu ka nga masihu nyana fa Masika a Likeleke Zesupa. Kakuli Ni lumela kaniti kuli lupila mwa lusika lwa keleke ya mafefezezo, lizazi la mafefezezo, ku sikaba kale Kutaha kwa Mulena Jesu.

<sup>12</sup> Na kamita ni likanga ku ipeya fa sikala, sa keleke nyana kwanu, kai ni kai ko Ni kutazanga, kakuli Mulena yomunde wa Lihalimu u ni file bulumiwa nyana, hape, kwa neku la za buipiteli, sina ha mu utwisisa. Mi sicaba si kumalela kwa linzwi la hao, mi—mi kacwalo Ni—Ni lukela kuba ya tokomela hande litaba ze Ni bulela. Kakuli, haiba Moya o Kenile ufile mata a pono ni ku lemuha, zeo mane hakuna yakona kuhana, mi ba ku utwa u bulela, ba ikutwa kuli una ni munahano oipitezi ka zo bulela, kusi cwalo Mulimu nasike kufuyola mafosisa ni ku a luma kuya ona cwalo. Mwabona? Kacwalo he mu lukela ku tokomela luli, ni ku ipeya fa sikala sa liseli la Linzwi, ka nako kaufela. Mi ku zeo, haiba Ni eza mafosisa, Ni lapela kuli Mulimu ani swalele, kakuli ha Ni talusi kueza cwalo. Mi Na . . .

<sup>13</sup> Mi ka nako kaufela, mwa kuluta, mi sihulu mwa lituto ze tungile ze luli ku zona cwale, ni maabani busihu fa *Nombolo Ya Sibatana*, ni lituto ze cwalo, mi busihu bwa kacenu fa *Liswayo*

*La Mulimu*, nombolo ya Mulimu, ni zeñwi ze cwalo, Ni ikutwa kuli mwendi, Ni kona kuba ni babañata babasike ku lumelelana ni se, ka se Ni luta ka sona. Kono Ni lika kueza fela ka . . . kusina ku Li libisa kwa keleke ifi kaufela, kopano ifi kaufela, kamba batu bafi kaufela, batili kutokwa. Mulimu wa ziba cwalo. Ki mwa Liseli fela le Ni li bona, kona mo Ni li bulelela.

<sup>14</sup> Mi hakuna keleke ye bulela libizo la Mulena Jesu ye Ni sa lati. Yani ha ki mutu ya kona kubiza Libizo la Hae, kamba kuba ni likute ku Yena, kono Ni kona ku ya kwa lifu laka ku yo ba ezeza sika. Yeo ki niti. Hakuna taba kamba ki ba bulapeli bo bu cwani, kamba ki ba Methodist, Baptist, Katolika, seo kaufela sikona kuba sona, zeo halina bukiti kuna. Yeo ki niti. Haibile fela ba kuteka Mulena ka.

<sup>15</sup> Kono, cwale, kuna ni Mutomo wa lika. Mi cwale keleke kaufela ya luta, mwendi, i luta seo lituto za bulapeli bwayona bu bulela, ni kulumela kuli i itingile fa Mutomo tenyene. Kihande, cwale, linako zeñata, ka kubona lika zani, kuli ha ki cona fela mo ne Ni balezi Mutomo wateni, kacwalo he Ni na ni tukelo mwa keleke yaka kuli ni beye se Ni nahana kuli si lukile.

<sup>16</sup> Kwanu nako yeñwi yefitile, muña muyaho. . . Ne nili kwa Milltown, kwa keleke ya Milltown Baptist, kone luna ni ancafazo. Mi Muzwale Wright ni mina kaufela, Na sepa, mwa hupula Marion Lee. [Muzwale George Wright uli, “Amen.”—Mu.] Mi na filikani hahulu ka nto yeñwi yene Ni lutile ka za kolobezo ya mezi. Kihande, aya kwa hae, mi na filikani ka zona. Mi nali muña muyaho.

<sup>17</sup> Busihu bwani a lola tolo. Mulena na mu bonisa kuli na yaha ndu, mi na lukela kubeya lihaulo le li fumbukezi fande hanyinyani. Mi cwale kufita kuli abeye lihaulo le cwalo, a beya fela malibela, ali, “Kipeto ku lukile.” Kacwalo muña ndu ha taha, ali, “I bulumune kuisa kwa mutomo; kala sinca hape.”

<sup>18</sup> Kacwalo na lutilwe nto yeñwi ye shutana ku ze ne iluta Bibebe, kacwalo ki hali, “Mwendi Ni bulumune fela ni mutomo fafasi ni ku i yaha sinca hape.” Ne niile kwa ndu ni yena busihu bwani, na ina busihu kaufela kwa ndu ya hae. Kacwalo he lwa. . .

<sup>19</sup> Yeo ki niti. I lukela ku yahiwa. Mi, kuluta lituto ze, Na ha ni muluti. Kono ku ze Ni ziba ka Zona, Ni tabela ku Li tatulula ku babañwi, ni ku kopana kupotoloha Linzwi, foo Moya o Kenile ha u Li eza kuba la niti kwa lipilu zaluna. Mi kacwalo luna ni fela nako yende ya kueza cwalo.

<sup>20</sup> Ni kupumulisa fela mulisana wa luna yomunde fa, Muzwale Neville. Haiba kuna ni baenyi mwa minyako ya luna; muuna *kiyo*, fa, mulisana wa luna, Muzwale Neville, ki muuna wa Mulimu, mutanga wa niti wa Mulena Jesu Kreste. Hani buleli cwalo kakuli u inzi fa. Ni bulela cwalo kwa mukokoto wa hae, kamba kai kaufela, ubile ona cwalo kuzwa fo Ni mu zibezi.

Na li wa Methodist ya tiile, mi Na ne nili wa Baptist ya tiile, kono ne luli mizwale hamoho, mi kacwalo bubeli bwa luna lwa ba bapikuluhi ba bakenile. Ku lukile, nji cwani, muzwale? Amen. [Muzwale Neville uli, “Amen. Haleluya!”—Mu.] Kacwalo lu yema ka mayemo a swana.

<sup>21</sup> Kihande, luna, luna ni nako yende mwa mukwa wo, “Ku ba fela ni kopano ku mañi ni mañi, haibile fela Mali a Jesu Kreste, Mwana Mulimu, a lukenisa kwa ku sa luka kaufela.” Kacwalo luna ni nako yende, mi luli lwa itumela kwa baenyi babali mwa minyako yaluna, busihu boo, moo.

<sup>22</sup> Ancafazo ya luna yenyinyani, Ni sepa mwa komoka libaka ha i si ka zibahaliswa. Kihande, neli fela nako yelikani ya nyakalalo kwa keleke yaluna moo, mi kona libaka ha luna mwendi. . . Hani zibi mo Moya o Kenile uka etelela, kono mwendi busihu bulibuñwi, lu si ka kwala kale mo, lwakona kuba ni sebelezo ya foliso, haiba Mulena alata. Mi kacwalo Ni sepa kuli Uka lumeleza sani.

<sup>23</sup> Ni lukela kukutela kwa Canada cwale, ku yo zwelapili mwa ancafazo. Mi sina kaufela ha ba ziba, luna ni mukoloko o patehile luli, ku yo fita ni kwa nako ya kuya kwabuse bwa mawate. Mi litukiso li ezizwe kale, ka kukala mwa Durban, South. . . mwa Johannesburg, South Africa, ka Muimunene, mwendi ka la bulalu. Mi cwale luzwa kwani kuliba kwa Durban; ni kwa India; ni kwa Palestine; ni Luxenburg; ni Frankfurt; ni Transjordan; ni mwa libaka zani kaufela. Lu ka kutela kwa hae Mulena ha ka lu kutisa, nako Ya ka lu bulelela kuli lu kute. Mi ba ka lukisa musipili omuñwi o liba kwa New Zealand ni Australia, ni kushetumuka kwa libaka zani; ni kuyo punya kwa upa, kwa Japan, ni linaha zani kwani.

<sup>24</sup> Ni ikutwa kuli kuna ni likeleke zeñata hahulu zeliteni kwanu, koo sicaba, oh, mawi, ki mukwa fela wa kucinca, ku mañi ni mañi, mi, he, likitikiti za batu mane ha ba si ka utwa kale za Jesu ka nako yapili. Mi kacwalo Ni ikutwa kuli. . . Ki maikuto aka, kasibili, ki musebezi waka kuisa Liñusa ku bona, zende ze Ni kona. Mi cwale sina ha Ni. . .

<sup>25</sup> Mutuhele ni bulele hape cwale, kakuli, babaliteni mo, ki ba Methodist, Baptist, Katolika, Presbyterian, Pentekota, Pilgrim Holiness, Nazarene, bateni kwani, babaliteni mo, mi kona mo lu kopanezi cwalo. . . Ni lumela kuli cwalo kona Lihalimu mo li kabela, mufuta o cwalo, sikwata sa luna kaufela sali kuina fani.

<sup>26</sup> Mi cwale fa mañusa aa, sina *Nombolo Ya Sibatana*, mi kacenu ha kuna ni kulyangana kokutuna hahulu. . . Kana ne mu li utwile, maabani busihu? Haiba ne mu utwisisize, muli, “Amen.” [Kopano ili, “Amen.”—Mu.] Cwale lu ka ambola busihu boo fa nombolo ya Mulimu, kamba, *Liswayo La Mulimu*. Cwale lwa lemuh. . .

27 Cwale, ha Ni liki fela kukutaza ka Libibele zepeli; iliñwi ki yetuna. Kono Ni na ni yeñwi ya zona fa ka mulelo wa litaba zenyinyani kwatasi, ni zeñwi cwalo, za ku swanisisa teñi, haiba kuna ni ya lukela kubuza puzo. Mi cwale, kamuso busihu, haiba Mulena alata, kasamulaho wa kukutaza . . .

28 Busihu bwa pili, fa *Masika A Likeleke Zesupa* ka kubona fo ne luinzi, lu fa sibaka, fa sibaka sateni, mwa lizazi le lupila ku lona.

29 Maabani busihu, fa sibulai sesituna hahulu se si liteni mwa lifasi, *Nombolo Ya Sibatana*.

30 Mi, busihu boo, ki fa mbuyoti yetuna hahulu ku zeliteni mwa lifasi, *Liswayo La Mulimu*.

31 Kamuso busihu, Ni ka mifa kolo ya ku ni kunupa, cwale. Kamuso busihu ki lipuzo, ni lika ze mu sa utwisisi ze kotalizwe. Mu bile baana babande ni basali babande, kamba Bakreste baba swanela, Ni li, mu kutumane ka nako ya lisebelezo. Ni bata kuli muñole, kamuso busihu ha mu ka taha kwa keleke, ni kutahe fela ka kuitahanela mo mu konela, kakuli Ni ka tokwa kutaha ka kuitahanela kuli ni to bala ni kualaba, lipuzo za mina kuama Mañolo.

Mi la Sunda kakusasana ki sikolo sa la Sunda sina kamita.

32 Lasunda manzibwana, mwendi la Sunda manzibwana, ki sebelezo ya kolobezo. Kuna ni batu baba lukela ku kolobezwa. Mi cwale la Sunda busihu, lu ka ba, mwendi lu ka ba ni liñusa la Evangeli kamba sebelezo ya foliso. Lu ka bona kaufela seo Mulena a ka etelela sa busihu bwani, bwa la Sunda busihu, liñusa ka sani.

33 Cwale lu fumana, lu si ka atumela kale se, kuli, “Hakuna mutu mwa Lihalimu, nekusina mutu mwa lifasi, kamba nekusina mutu mwatasa lifasi, ya na lukela kunga Buka, kamba ku I apula, kamba neba ku tamulula Maswayo ayona.” “Hakuna mutu!” Joani na li boni mwa Sinulo. Mi lu swelu ku luta Sinulo cwale. “Mi Joani alila. Kono nekuna ni Ngunyana ye ne tabilwe, kuzwa kwa mutomo wa lifasi; Na lukela kutaha ku to nga Buka mwa lizoho la bulyo la Ya inzi fa Lubona, ni ku kwalula Buka, ni ku mamulula Maswayo ayona.” Mi Ngunyana yani, eeni sha, neli Jesu Kreste, yena Mwana Mulimu. Mi cwale haiba ki Yena fela Anosi ya swanela . . .

34 Na pila mo fa yeñwi ni luna, fa lifasi, mwa mufuta wa Mutu. Mulimu na pila ku Mwana Hae, Kreste Jesu, kakuba Mulimu yaezizwe Mutu.

35 Mi A kutela mwa Kanya, kusiya Linzwi le, “Fa nako nyana lifasi halina ku Ni bona hape. Ibo, mu ka Ni bona, kakuli Ni kaba ni mina, mane mwahala mina, kuisa kwa mafelelezo a lifasi.” Mutu wa Moya o Kenile, Mulimu, ya kutela mwa mufuta wa Na . . . Jesu naize, “Ni zwile ku Mulimu; Ni ya ku Mulimu.”

Na zwile mwa Kuyakuile, a kena mwa nako; a zwa mwa nako, kukutela mwa Kuyakuile.

<sup>36</sup> Mi lifasi ha li si ka Mu ziba. “Nali mwa lifasi, lifasi ne li ezizwe ka Yena, mi lifasi a li si ka Mu ziba. Kono baba Mu amuhezi kaufela, bona . . . bao u ba file mata a kubizwa bana ba Mulimu.”

<sup>37</sup> Mi, cwale, cwale Jesu Kreste una ni luna, “Fa nako nyana lifasi halina ku Ni bona, kono mina mu ka Ni bona.” Cwale ku kaba lifasi le li sa Mu boni, mi ku kaba *ya* ka bona. “Kakuli Na,” *Na* ki tulokandina twa mutu, “Ni kaba ni wena, mane mwahala mina, kuisa kwa mafelelezo a lifasi. Mi wena,” mulumeli, “u ka Ni bona kuisa kwa mafelelezo a lifasi.”

<sup>38</sup> Maheberu 13:8, iize, “Jesu Kreste ki ya swana maabani, kacenu, ni kuyakuile.” Mu Mubone mwa mata a Hae, yena Mulena Jesu ya swana, lona lilato le li swana, limakazo zeswana, lisupo zeswana ze ne Mu latelela, inge litaha cwalo kushetumuka. U mwa Mubili wa kunutu cwale, Mubili wa baba zuhile, kuzwa kwa sibi kukena mwa Bupilo. U pila ku bona.

<sup>39</sup> Mulimu mwa Kanya ya Hae yetuna, Mulimu ku shetumuka, kuzwa mwa Siita sa Mulilo, nekusina mutu yana kona kuswala, kukena mwa mufuta wa mubili wa butu wa na konile kuswala, kono Na pepilwe ki mwalyanjo. Mi, kwande kwani, afa bupilo bwa Hae kuli bu kokotelwe, ku kenisa mutu wa sibi, mi Na pila mwahala batu. Ki lilato mañi leo Mulimu ana ni ku mutu, kuli Na ipatuluzi ili Yena, kuli aeze nzila ye kenile ya Na ka pila ni kulata batu mwahala baana ni basali. Ki nto yende. Eeni. Yani ki yena Ndata luna.

<sup>40</sup> Ha lu amboleñi ku Yena ona fa cwale, Mukalisi wa Buka, lu si ka apula kale makepe.

<sup>41</sup> Ndata luna ya musa yakwa Lihalimu, lu taha ku Wena, busihu boo, ka nzila ye sepisizwe ku luna kuli, “Ha mu Ni kupa sika ka Libizo la Ka, Ni ka si eza.” Kacwalo haluna kuluka, haluna sika selukona kufa, fela lutaha ka Libizo la Mulena Jesu, ka kuziba U sepisize ku utwa ka Libizo le.

<sup>42</sup> Mi lwa Ku kupa, ka kuziba kuli luna ni mo, mwatasa temuho busihu cwana, iliñwi ya lituto zende hahulu za lizazi le, *Liswayo La Mulimu*. Ndate, lwa lapela, Mulena, ka kuziba kuli sikwata nyana sa batu se si kopani mo, haiba Ni ka ba lyanganisa, Ni ka yo ikalabela ka zona ka Lizazi la Katulo. Mi maabani manzibwana, fa, *Nombolo Ya Sibatana*. O Ndate, lu lapela kuli U zamaise ni ku nongisa hande Manzwi ani. Mi Asike a kuta mukungulu, kono A taleleze kaufela se A lukela kutaleleza nako ya Na ñozwi mwa Buka.

<sup>43</sup> Mi cwale akutahe, Ya Kenile, unge Linzwi la Mulimu kuzwa mwa Bibebe, Li bulele ka milomo ya nama, kwa lizebe za nama, ni kukenya mwa mupato bubeli bwa kubulela ni ku utwa, kuli lukone kutaleleza sesiñwi ka ku kopana hamoho cwana, busihu

bo; ka kuziba kuli kwakona kuba babañwi mo, haiba lifasi li ba teñi mwaha omuñwi hape, ba ba si ke baba mwa lifasi.

44 Mi cwale lu mwa ndu ya sikuluho, kwa ndu ya Mulimu, ko lu lukela kuyemela sikuluho. Mi cwale Moya o Kenile u ni sikulule, ni ku kwala mulomo waka, sina mo No ezelize milomo ya litau, ku Daniele. Mi Wena u ziba pilu yaka, haiba linzwi li liliñwi le Ni lukela kubulela li ka shutana kamba kuba mwahali ku na. Moya o Kenile ha u bonahaze Linzwi kaufela. Ni yeme fela sina tubana ya mukungul; mi Yena abulele Linzwi la Mulimu, busihu boo, kakuli lipilu za luna ze lapile li tabela ku utwa Yena. Mi cwale Yena, Yana ñozi Bibebe, atahe ato Li toloka kwa batanga ba Hao baba ishuwile mo. Lu kupa ka Libzo la Jesu. Amen.

45 Cwale ka kukutela fela hanyinyani kwa mulaho, ka kukala busihu boo, ka za, *Liswayo La Mulimu*.

46 Musike mwa libala, kamuso busihu, lu bata kuli muñole lipuzo za mina. Ni ku li ñola hande, ni ku li beya kwapili, ka kuitahanela, kamba fa katala, ka kuitahanela mo mukonela. Cwale tuto yetuna yene lubile ni yona maabani busihu . . .

47 Busihu bwa pili, busihu bwa maloba, neli Keleke ni lusika lwa keleke, kuli mane ne luboni Jesu ayemi mwahala Likandela Zesupa za Gauda, ha talimwa na bonahala inge licwe la jasper ni la sardio, makalelo ni mafelelezo, Rubeni ni Benjamine. Kubona likandela ze sebene, kamba malambi a sebene inza yemi, ni nambwamutalati fahalimwa ona, kakuba buitamo, ni mwa Na bonahalezi. Mi Linzwi la Hae neli Linzwi la mezi amañata, bubeli bwa Kreste ni Keleke, ba bulela hamoho; ni lukanda lwa gauda aitamile fa sifuba siemba sa Keleke, inza apezzi, inza sweli, Evangelii i swalelezi kuluka kwa Kreste fa Keleke. Inza yemi fa mutomo wa sipi, katulo ya Bumulimu; Mulimu na sululezi katulo ya Hae ya Bumulimu ku Kreste, mi A nyanda, yasina mulatu kunyandela baba na ni mulatu.

48 Mi, ka kubona mo ne li kalezi ka keleke ya Efese; mi lusika lwa keleke ya bubeli; lusika lwa keleke ya bulalu; lusika lwa keleke ya bune, myaha ye mianda ye fifitini ya masika a lififi; kutaha cwalo ni mwa Lusika lwa ba ha Lutheran; ni Lusika lwa Philadelphia; ni ku to fita kwa Lusika lwa Laodesia, lusika lwa mafelelezo.

49 Ka kubona mwa Testamente ya Kale, mo ne li swanisezwa hande kwa simuluho, ku Solomoni, kutaha cwalo mwa nako ya Akabe, lusika lwa lififi. Mi afumana, sina Jezabele, Akabe, mukutazi wa sihalihali, kamba muuna yana banga teni ni kuba siyo fa ni fa. Inge fela kufutumala hahulu fela mwa ma membala ba keleke kacenu, sicaba, kutaha ni kuya; mwa keleke kacenu, kamuso mwakona kuba kulubela kai ni kai; kukeshibisa, ku tobaha, ku kukaana ni lifasi, kono inge ba ipiza kuli Bakreste. Mi Akabe, mwa buino bwani, awela ku musali yomunde yomunyinyani, ni ha nali ya maswe kaufela.

Ni ku munyala, mi atisa milapelo ya milimu mwa Isilaele, kutaha mwa nako ya lififi luli mwa Isilaele, lusika lwa bunsu. Cwale, lu fumana cwana kuli ba zwa mwani ka mayemo a sipi, mi ba zwa, mi mafelelezo a futumala fela kuenya, ona cwalo kufitela Mulimu a ba kwa mwa mulomo wa Hae ni ku amuhela Bamacaba.

<sup>50</sup> Mi cwale lu fumana kuli ne ba kalile kuzwa kwa makalelo, haili—haili Keleke ya Efese, kwa simuluho, mwa lusika lwa keleke; lusika lwa keleke yene tatami lwa kala kufokola ni kubatelwa; ni kuzwela cwalo mwateni, kupunya mwa lusika lo lunsu. Mi fela sina—sina zazi lani, Akabe anyala mulapeli wa milimu, Jezabele, ni kutisa bulapeli bwa milimu mwa Isilaele; mi Buipanguli bwanyalana ni Buroma, Bukatolika, ni kupepa bulapeli bwa milimu mwa keleke. Kutaha ka Martin Luther; kutaha cwalo ni ku John Wesley; kutaha kwa Pentekota; ni kwande, mane neba ku kwiwa mwa mulomo wa Mulimu; mi Mulimu a kutela kwa Majuda hape, ka kupetahala fela.

<sup>51</sup> Cwale, Ni ziba kuli Ni. . . U bulela, cwale, kuli Ni mu swanisisi. Yeo ki niti. Kakuli, Na ziba, Na ziba nto iliñwi, haiba Ni ya kwa muluti waka mi Ni bona muluti waka mo bonahalela, Ni na ni munahano wa mo Ni bonahalela; ni ha Ni kaba folofolo ya mahutu a mane, kamba nyunywani ya mafufra, kamba kaufela seo sili sona, si ka bonahala muluti.

<sup>52</sup> Mi Testamente ya Kale neli muluti wa ye Nca. Ne lubile ni zona maabani busihu, mwa Sinulo 12, musali ni mulao mwatasa mautu a hae, kweli ni lizazi fa toho ya hae, ni mufuta. Kuli, lika zani kaufela, Maheberu kauhanyo ya 11 ya lu bulelela, neli fela mifuta ni miluti. Na lumela, Maheberu 12, abulela kuli, “Cwalehe ha lubona kuli lubeilwe mwahali ki lilu lelituna la lipaki, ha lu beyeni kwatuko buima kaufela, ni sibi se si lu hanelela fakaufi, kuli lukone kumata ka tibeledo takano ye li fapila luna.” Cwale, lu boni lika zani. Mi maabani manzibwana . . .

<sup>53</sup> Ne lu kalezi kwa mulaho kwanu, ku to batisisa, kamba—kamba, manzibwana a maloba. Lu fumana cwana, kuli, keleke yapili, mo ne i kalezi. Ne i kakuzwi ni kukalela ka Lizazi la Pentekota, koo Moya o Kenile no suluhezi fa balumeli. Mi lwa bona cincho ya balumeli, ni mo ne Li ezeza ku bona, ni sene ba eza, ni lisupo ni ze komokisa ze ne ba latelela.

<sup>54</sup> Mi lu fumana kuli, ka kukwala kwa lusika lwa keleke yani, mwendi ka myaha ye mianda yemilalu, ba tisa tuto ye keluhile mwahala bona, yebizwa kuli, “tuto ya—ya Manikolai.” Mi lu fumana kuli, neli “likezo,” ka kukala.

Mwa lusika lwa keleke yetatama, se i ba “tuto.”

Mi cwale ni kuba “nyandiso,” mwa lusika lwa lififi.

<sup>55</sup> Mi ni kutaha kwa neku leliñwi, neku le, ni kufumana kuli ya to ndondola likeleke za Baipanguli ze zwile mwateni.



56 Mi lu kutela kwa mulaho hape ni kufumana muenyena wateni mo so kwahelezi kufita ni faa kwa mafelelezo a lusika, kwa neku *le*, mo li kuzelize kaufela. Inge fela mo ne li ezelize mwatasa Majuda, kona mo li ezeza ni mwatasa Bamacaba; ku bata inge kuli li zamaya ka nzila *ye*, muluti, usweli wa tima.

57 Inge fela mo ne kuinezi, mwa mazazi a Wesley, mi ne lu tizize zeo maabani busihu, ni Luther. Ha ki ancafazo kwa butuna ye ne munai, kono, nako yetatama, ya kala kubatelwa. Yetatama, ya bata ni kufita. Mi cwale seli fela sishañata sa lituto za litumelo ni mikwa. Kona fela zeliteni ku zona. Mwabona? Mi kona mo ku bezi mwahala musipili kaufela. Kacwalo he lu lutilwe ona cwalo.

58 Cwale, ka tokomelo cwale, amu muteeleze, kuli mukone kuhupula hande. Ha ni nyazi sicaba sa Katolika, mi ha Ni nyazi sicaba sa Baipanguli, kakuli kuzwa mwahala zona zepeli ni zeo kaufela kutahile Peu ya Mulimu, ka kuketiwa. Baba lelezwi kwa Bupilo baka Bu bona ni ku zamaya ku Bona. Ba ba sa boni, ba zamaya mwa lififi. Zeo liitingile ku Mulimu. Ki Mulimu ya li eza. Na ikonkile ni ku sepisa Abrahama kuli Uka mu pilisa ni Peu ya hae. Cwale, haiba una ni Peu ya Abrahama, una ni Bupilo Bobusafeli, ku felile, mi u muca sanda kuya ka sepiso. Mi kaufela ki ka sishemo ni ka kuketiwa ki Mulimu.

59 Cwale mulemuhe, ku se fa. Mi Ni inzi fela fokuñwi. . . mwendi haiba Ni ka kutaza hahulu, kamba ku luta zeñata. Se kubile myaha. Wo kona mukopano wa pili o Ni bile ni ona, ka myaha ye ketalizoho ni yemilalu. Mi ki kufalula nyana fateni, mwendi ki kututula nyana mafume fateni, mwa libaka. Nako kaufela ha muna—hauna. . . Mu ni buze puzo kaufela ye mu bata; mu litise kwa pili, kamba fa katala, mi Ni ka tabela ku li talima.

60 Cwale mulemuhe. Kono kaufela ze Ni ziba ka Zona, Ha ni si ka ituta Zona ku mutu, ka sikolo sa za bulapeli. Ni lapezi kufitela Ni ba ni sinulo ya zona, mi neina ni kubapiswa kwa Linzwi la Mulimu.

61 Mwa Testamente ya Kale, nebana ni linzila zetalu za kuziba liñusa ka zona. Mo ne bazibela ka nzila yapili, neli ka mulao o ñozwi; nto yetatama neli ka mupolofita; kamba nto yetatama neli Urim Tummimu. Cwale muluti kaufela wa ziba kuli Urim Tummimu neli sikamañi. Neli li—li liseli lene li monyeha fa siapalo sa fa sifuba sa Aruni, se ne ba lepeleza mwa tempele. Cwale, haiba mupolofita na polofita, mi Liseli lihana ku laita fa Urim Tummimu, neli buhata. Yani neli kalabo Yepahami ya Mulimu, “Ne ku fosahalile.” Mi haiba ba. . . Haiba muloli na ka lola tolo, mi ne isika monyeha fa Urim Tummimu, ne i fosahalile.

62 Cwale, Urim Tummimu ifeliszwe, mwa buino bo, koni Ye kona kona Urim Tummim ya Mulimu cwale, yona Bibebe. Haiba mupolofita, kamba muloli, kamba seo kaufela sili sona, kamba muluti, ha si ka toma hande tuto ya hae ku ze li SA BULELA MULENA KISONA, Ha ni lumeli cwalo, mwabona. Sina ni

kutaha hande *Mo*, kuzwa mwa Genese kuisa Sinulo, isiñi fela mwa sibaka silisiñwi. Lina ni kutaha ka Bibele ni kuli Li tamahane handende hamoho. Eeni, sha. Lina ni ku lumelelana ni zeñwi za Lona, ni ku Li tamahanya hamoho. Haiba ha u ezi cwalo, wakona kunga nto iliñwi ni kubulela kuli yani ki limbo, ni ku kutaza Bukatolika mwa Bibele. Kono lina ni ku zamaelela hande kuzwa kwa Genese kuisa kwa Sinulo, kuli siswaniso si bonahale hande. Yeo ki niti.

<sup>63</sup> Mi Moya o Kenile ki Ona Oka etelela siswaniso se ku wena, haiba uka Mu lumeleza fela kueza cwalo. Uka ku zamaisa mwa Liseli kaufela. Bibele ibulezi ona cwalo. Jesu na bulezi kuli Uka eza cwalo.

<sup>64</sup> Cwale mulemuhe sina...Hape, cwale, lu fumana sene ba ezize kwani. Mi, kasamulaho nyana, baba ni tuto. Ba amuhela nyandiso. Ba zwela kwande.

<sup>65</sup> Mi cwale lu fumana kuli, mwa lizazi le cwale, kuli Bibele ibulezi kuli ku kaba nako fo batu ba ka amuhela nombolo, mi ikaba nombolo ya sibatana.

<sup>66</sup> Nako kaufela ha kuna ni nto yenyinyani yetaha mwa naha, mañi ni mañi na bulela kuli, “Yani kona nombolo ya sibatana.” Fani za kale...Ne ni tilo beiwa fela fa buluti mwa keleke ya Baptist, hane Ni utwile ka za N.R.A. Kihande, mañi ni mañi naize, “Yeo kona nombolo ya sibatana.” Mi kipeto lika kaufela za kala hape, “Ki nombolo ya sibatana.”

<sup>67</sup> Mi cwale ba li, “Ki yeo Russia ya taha, swalisano, kona nombolo ya sibatana.” Kono, ki buhata. Ha ki nombolo ya sibatana. Bibele ibulela seo nombolo ya sibatana ili yona. Nombolo ya sibatana ha ki yetuna mwa buino bwa za bulapeli kulwanisa naha kufita fo kucwlo. Swalisano ha ki Russia; swalisano ki si moya. Kaufela ki...Ha lu—halu tokwi ku bilaela ka Russia.

<sup>68</sup> Kubola kwa luna kona ko ku lu bulaya. Swalisano isweli ku zamaya mwahala likeleke zaluna ni lika zeñwi kaufela, mwa ziba cwalo, mwa likolo zaluna, mwa mandu a luna, kai ni kai, mwa naha ya luna. Taba yateni kaufela i cilwe ki mabuku. Nyunywani ye sweli ku coma fa apule haikoni ku holofala; ki sibuku fa pilu ya kota se si sinya apule. Sani kona mo si inezi, ki kubola fela mwahala luna. Kuzamaya, ni kuipiza luna bañi kuli Bakreste, ni kueza sina lifasi, ni ku apala sina lifasi, ni kuca za lifasi, ni kuipiza luna bañi...Lifasi li katezi mi li nyikwile litaba ze cwalo. Mi ha ki lifasi fela, Bakreste babañata ba katezi, ni bona. Ee.

<sup>69</sup> Ni bile ni bulelanga hañata kuli, “Mulimu a akufise lizazi leo batu ba kaba mo ba lukela kubela. Kambe Ne ni Mu lwanisa, Ne ni kali Ne ni Mu lwanisa, Ne ni ka Mu lwanisa mwa lika kaufela ze Ni kona kuba ni zona.” Kono Na ni yemela Yena, mi Na Mu lata, mi Na Mu lumela. Mi—mi bipilo bwaka bu mwa mazoho a

Hae, kueza Za bata kaufela, kakuli Ni lumela kuli Bukreste kona Niti. Yeo ki niti. Ni lumela kuli ki Niti.

<sup>70</sup> Mwa kuzamaya mwa lifasi, ni kutalima ika zeshutana, ni zeñwi cwalo, bakalisi ba bona kaufela ba shwile mi ba lobezi mwa mabita, mi bana ni lituto za bulapeli. Zeo liswana fela ni keleke ya Bukreste mo i ezeza, mane.

<sup>71</sup> “Kono bani baba ziba Mulimu wa bona baka eza ka bundume.” Mi Mata a zuho ya Jesu Kreste apila ku mutu. Yeo ki niti. Ha si ka shwa; U zuhile. “Ni kaba ni mina, mane mwahala mina, mi lika ze Ni eza mu ka lieza ni mina.” Eeni, sha.

<sup>72</sup> Mi lifasi li talima ni kubulela kuli, “Bafitelezi bwa tumelo.” Ne muboni ko ne lu ifitimize maabani busihu, ka tuso ya Mulimu.

<sup>73</sup> Cwale, lu fumana kuli nto yapili yekile ya hula mane ku bupa mufuta kaufela wa sibatana, ni hanyinyani, kamba . . . *Sibatana* si talusa “puso.” Ne lu fitile mwa lisupo kaufela ni lika kaufela, maabani busihu, ili kubonisa kuli sibatana neli puso. Mi ne i si ka zwa mwa Russia. Ne izwile mwa Rome. Yeo ki niti. Ne i zwelezi kwa Rome.

<sup>74</sup> Mi ne si—ne si sikwata sa baana. Ne si kopano ya za naha. Neli sibaka sa bulapeli. Neli keleke ye “inzi fa malundu a sebene,” ni muuna alimuñwi yana zamaisa mata mwa lifasi kaufela, mwahali mwani. Luli ki niti. Mi lu fumani kuli neli musali, ni ku mu boniseza handende patalaza. Ha ki kunga fela toloko yaka; kono ni bala fela Bibebe. Kuli, hakuna sibaka sesiñwi mwa lifasi, hakuna muleneñi omuñwi mwa lifasi, o busa lifasi kaufela. Mwa naha ifi kaufela, muhala wa Buroma wani u zamaya sina minwana ye lishumi ya pono ya Daniele, mi lu fumana kuli wani neli Munzi wa Vatican.

<sup>75</sup> Mbwasha ki sishañata sa Makatolika baba likute bene baliteni mo maabani busihu. Ne bainzi ka kukuza ni kuteeleza. Ba sepahala. Ba lapile.

<sup>76</sup> Cwale, hamukoni ku kanana ni muprisita. Haana ku kanana, kakuli, muprisita, “Haiba keleke ibulela ze shutana ni Bibebe ye, keleke i lukile.” Ku na, Bibebe i lukile mi keleke i fosahalile. Mwabona? Hamukoni ku kanana ni bona. Bona, muna ni . . . Hakuna mukwa wa ku kanana ka ona. Hakuna mukwa wa ku ikambota kamba kuhohana. Kakuli, ba lumela, “Se ibulela keleke, kuli kona cwalo! Kona cwalo, se ibulela keleke, hakuna taba ka se ibulela Bibebe. Ki se ibulela keleke!” Ba lumela keleke. Luna lu lumela Bibebe.

<sup>77</sup> Cwale lu fumana kuli na bizwa . . . Keleke neli musali. Mi na bizwa ka kashwau, linzwi la butanya la kuli, “LIHULE,” mi cwale na li “MAHE MAHULE.” Mi lu fumana kuli keleke ya Katolika neli yona keleke yapili ya mushemi. I sainzi ona mo ibulelela kuli kona mo ne i inezi. Ki yona keleke yapili ye kalile ku ikongakonga. Mulimu nako ya kile a ongaonga bulapeli, neli keleke ya Katolika. Kopano yapili yekile ya ongaongiwa

mwa lifasi, ka bulapeli bwa Sikreste, neli keleke ya Katolika. Cwale. . .

<sup>78</sup> Mi cwale, mafelelezo, nali “MAHE MAHULE.” A pepa likeleke, ze muswana, kakuli ne li si ke za ba sina bashimani. Ne li za basizana, mi lu fumana kuli keleke ya Baipanguli ki siemba sa keleke ya Katolika. Ka kubata Mañolo, ni kutalima mwa libuka ya litaba za kale, lubona kuli keleke ya Baipanguli ki mwana ya zwile kuyona. Mi Baipanguli habakoni ku shenda ba Katolika, kakuli, bubeli bwa bona, i bulela kuli ki “MAHULE” ni “LIHULE.” Seo si butuku, kono sani kikuli SA BULELA MULENA KISONA. Yani ki niti.

<sup>79</sup> Mutalime, mi ki hali, “Ki fo,” mwa United States, bali, “ha lu ezeze sibatana siswaniso.” Haiba sibatana neli puso, mi puso neli kopano; kusina kunga tuto ya tumelo cwale. Lani ki Linzwi la Mulimu. Kopano ya keleke ya Katolika ne i ikongakongile ili yona hamoho ni kueza- . . . ku lumelelana. Mi ba toma, se ba biza, kuli “bashemi bakale” hahomo, ni kuongaonga keleke ya Katolika, mi baeza si—si—si—si sizo, mi se ne ba lumela ni se ne ba luta, tumelo ya silundwamanji. Mi ba li hapeleza kwa sicaba, ka koto.

<sup>80</sup> Mi cwale Martin Luther hana tile, inza bona Moya wa Mulimu ha u mu zamaisa. Kufita ku lumeleza sicaba kuina si lukuluhile, a ongaonga keleke; siswaniso se si swana ni sibatana, puso ya litaba za naha ye swana ni sona. Kufita kuli sicaba si zamaye sina Mulimu mwa fela liseli, ba ongaongela mwa tuto, mi ba na ni kuinela kwa tuto ona yeo.

<sup>81</sup> Mulimu a zwa mwa keleke ya Methodist. Ba Methodist nebana ni ancafazo yene nyungile lifasi; Moya o Kenile hamoho ni bona, inge u luta za kukeniswa. Mi taba yapili mwa ziba, hane ba ezize cwalo, mi se ba ongaonga keleke, kuezeza siswaniso sa sibatana, yeo ki niti, puso ya za naha, mata a kopano, ku tamelela sicaba sa Mulimu kwa tuto ya tumelo; kufita kuba ya lukuluhile kwa kulapela ni kuzamaya mwa liseli sina liseli mo ne li bonahalela mwa nzila ya bona.

<sup>82</sup> Ba ba inisa kwa mulaho, mwa lusika lwani. Lani neli liseli lelinde ka nako yani. Lani neli liseli kwa—kwa keleke ya Pergamosi.

<sup>83</sup> Kono kucwani he ka keleke ya Philadelphia? Lani ki liseli lisili. Kono, mwa bona, hakuna taba kamba ne ba ikongakongile cwani, Mulimu na zwile mwa lusika lwa keleke *ye*, nihakuli cwalo, aluma muuna, ya bizwa John Wesley. Luther na si ka li latelela, kakuli na si ka li lumela. Na li ongaongile kale kwa mulaho *kwanu*.

<sup>84</sup> Mi John Wesley ato li kopanya ka kutiisa, mi atofita fa sibaka. Neli nako ya lusika lwa keleke *ye* kuli itahe. Mulimu a luma sikwata sa Mapentekota; sa zwela kwande ni kolobezo ya Moya o Kenile. Oh, ba Methodist bali, “Uh-oh. Huh! Halukoni

kuya ni Zeo. Huh-uh! Ha lu lumeli mwa lika zeo. Oh, batili.” Kiñi? *Le kona* liseli lene ba sweli ku zamaya, *kile*; *kile* liseli la sibaka *se* cwale.

<sup>85</sup> Lu libile kwa malikelelo a lizazi. Mwa hupula za na bulezi mupolofita kana? “Ikaba lizazi le li kaba ni malu, haina kuba busihu kamba musihali, kono mwa manzibwana kukaba Liseli.” Liseli lene li monyeha nako yeñwi mwa naha ya Majuda, kw aupa (Majuda ki sicaba sa kwa upa), Li sweli kubenyeza ku Bamacaba; ki Liseli le liswana, ki Moya o Kenile o swana, mwa mazazi a maungulo kwanu, ki kolobezo yeswana ya Moya. Lubile mwahala masika a kaufela mwahali kwanu, ko ku sina Liseli kamba nako ya lififi, kono ki lizazi la malu ni simbwewewe; kono ona *fa*, sina Liseli hane li monyeha ka kuswana fela sina mo ne li ezelize kwani.

<sup>86</sup> Ki kabakaleo, “Una ni kutalimwa sina licwe la jasper ni sardius; Alfa, Omega, wa Makalelo ni Mafelelezo; Yena Yana Liteni, Yali Teni, mi Ya Taha; yena Mubisi ni Mwana wa Davida; yena Naleli ya Kakusasana.” Ki zeo foo. [Hakuna manzwi fa tepu—Mu.] Ni sepa mwa li bona.

<sup>87</sup> Mi, muhupule, kuli lu fumani, kusina mafosisa neba alimañwi, kuli nombolo ya sibatana ki nombolo ya ku kwenuha, fo kikuli, ma membala ba keleke ba swalelela kwa keleke mwa sibaka sa ku zamaya mwa Liseli. Ba hana Liseli, mi hakuna ze siyezi kwanda lififi. Yeo ki niti, sibeli sa Katolika ni Baipanguli. Kuna ni “sibatana, ni lihule,” mi una ni “lihule” bana ba basizana. Mi bana ba basizana ba mahule ba, ha ne ba tile, nebali balanjo kuzwa kwa Liseli la lizazi lani, mi ba ikongakonga ni kutisa sicaba kwanu, kwa mulaho kwanu, kuba eza lika zeswana zeo Rome nali zona kwa simuluho. Bibebe ibulezi ona cwalo. “Sibatana; ni siswaniso sa sibatana; litaku za libizo la sona,” ni zeñwi cwalo.

<sup>88</sup> Mo ne lu fitezi mwa litaba kaufela, maabani busihu, ni Bibebe hande patalaza . . . isiñi tuto ya ikupulezi fela mutu. Kono Bibebe ili bulezi hande, kuli sibatana sani sa litoho ze sebene ni manaka a lishumi [Makuna manzwi fa tepu—Mu.] sizwa kwa Rome, ne sili teni kwa Rome kwani, mi neli “yena ya na liteni, ya si yo; mi ki ya liteni, mi ha na kubateni,” pope alimuñwi mwa mulaho wa yomuñwi, pope alimuñwi mwa mulaho wa yomuñwi, mi u ka ya mwa sinyeho. Ni kufumana kuli yena musali muhulu yani apepa basizana. Nebali balanjo kuzwa kwa simuluho, ne ba zamaya mwa Liseli le ne ba nani. Mi cwale ba kala kuezsa sina mahule, ni kukuta hape ku yo eza lika zeswana za eza maa bona. Kiniti. Kiniti.

<sup>89</sup> Halu boneñi ni mi bulelele nto yeñwi, basali. Muteeleze. Hakulata hamukoni kuba ni sepo hahulu ku na cwale, ha Ni bulela litaba ze ka kuonama. Mi ha ki ku mi utwisa bumaswe; ki ku mi tusa. Kono ha mubona sicaba, likeleke kacenu, ba

lumeleza basali ba bona. . . Cwale, Ni—Ni ka fita kwa baana, hape. Kono ba lumeleza basali ba bona kueza mo ba ezeza kacenu, ni ku bulela Bukreste! Ha ni mi nyazi basali; Ni ka mi nyaza, kasamulaho wa busihu boo. Kono, mutalime, Ha—Ha ni mi nyazi basali cwale. Kono, kezela ka, buñata vwa baluti ba likopano bukutazi ze kwanu, kamba baluti bakwa matota, kamba kaufela mo mu libizeza, kuzwa kwanu kokuñwi, ki ku mi lumeleza fela kukena mwa bupumi bwani. Bibeles ibulezi kuli, “Nebali libofu, ze etelela libofu.” Ki niti.

<sup>90</sup> Cwale, mi Jesu, ka kubona se, ni kuziba kuli likeleke zeñwi za Baipanguli ne li ka zamaya fela kukena mwa munyako wa Liseli, ni ku ikela kusili. Jesu, mwa Mateu 24:24, ibulezi kuli ku kaba cwalo, “Antikreste ukaba fa kaufi hahulu inge wa niti, kufitela i ka puma ni bona Baketwa, haiba ki nto yekonahala.”

<sup>91</sup> Cwale, mwabona, Buroma, Bukatolika, oh, ne bu natile babañwi ba mina Baipanguli mwa litho. Kono, mutu yana ni sishemo nyana ku yena, hanyinyani. . . u ziba zelikani fela za Bibeles, uka saba ni kuikela kusili. Yeo ki niti. Kuhoha kwa yona ki kokunsu ku yena; uziba kuli hakuna zeli mwateni, litaba ze ba luta zani kaufela. Hakuna Liñolo ku yona; fa ni fa, li utwahala ka kushutana.

<sup>92</sup> Buhata bobutuna kufitisisa bo bu kile bwa bulelwa, nebuna ni Niti ku bona. Yeo ki niti. Mi wa pili, Satani na ambola ni Eva, na bulezi Niti yeñata hahulu. Kono nana ni sina, kwatasi a yona, nana ni buhata bo ne bu mu nyaza, ni kusinya lusika kaufela, pupo kaufela. Yeo ki niti.

<sup>93</sup> Muna ni kulemuha cwalo. Lina ni kutaha fa Niti *fa* ni Niti *fa*, Niti *fa* ni Niti *fani*. Mwa bunyinyani bwateni kaufela, ki Niti; kuna ni ze swana, kutaha cwalo nzila kaufela.

<sup>94</sup> Mi cwale mo ka mo batu bakona kubonela keleke yapili kwa mulaho kwani mo ne i tukezi ni lambi yani ya kandela, mi cwale ona *fa* lubona nto yeswana ye ne ezahalile kwa mulaho kwani, mi Linzwi la Mulimu li bulela kuli ikaba “Jesu Krete ya swana maabani, kacenu ni kuyakuile.” Mi a li hana? Si bonisa kuli ba hanile Liseli, ni ku zamaya mwa lififi; nto inosi fela ye siyezi.

<sup>95</sup> Ki niti, muzwale waka. Ha ni buleli cwalo ka kuba ya butali. Mulimu wa ziba cwalo. U ziba pilu yaka. Ni na ni bulumiwa, ni zeñata fapila ka mane. Mi ka kuziba kuli zazi leliñwi, fa Museto wa Katulo, Ni ka yo ikalabela ka lika ze. Yeo luli kona niti. Ha ni ka fumanwa kuba mutamelezi wa buhata, muluti wa buhata, kipeto Mulimu uka ni atula. Yeo ki niti. Kono haiba Ni ziba Niti ya lika ze, mi kusina ku mi bulelela, Uka ni atula he, kaniti luli.

<sup>96</sup> Ali ku mulibeleli, “Tokomela! Haiba u palelwa ku lemusa, konakuli Nika—Nika tokwa zeo kwa lizoho la hao. Kono haiba u lemusa, mi ba zwelapili cwalo, ba ka shwela mwa libi za bona, kono ha Ni na ku litokwa mwa lizoho la hao. U ka lukuluha.”

97 Kacwalo lu bata ku tokomela kuli lu ziba se sili Niti, kuya ka Bibebe. Mi cwale lusika lwani mo ne lu kalezi, ni sene ba ezize, mi kacenu ku bona kekeke ya Baipanguli hande ona cwalo.

98 Mutalime fa. Ne kubanga cwalo, kale kale koo, ni mina sicaba sa ba kukena, ne ku fosahalile kuli mina basali baba kuta milili ya mina. Ki sikamañi se si bile hande ka zona? Bibebe hane i bulezi kuli, “Haiba musali a kukula milili ya hae, muuna hae una ni tukelo ya ku mufa telekano.” Tuto ye li patalala, kono yeo kona Bibebe.

99 Ni mina basali, muzwa mo ku yo ngwenjula patelo yamina, mutinile ma obolosi, ni liapalo za muuna. Mi Bibebe iize, Mulimu Yamata kaufela naize, “Musali ya apala liapalo zeswanela kuba za muuna, ki maswabisa, masila mwa meto a Mulimu.” Mi mu eza cwalo.

100 Mi mwa zuba kwai, muya kwa kubina ni kwa kubuha mafilimu, mi niteñi mu sa fumaneha kwa kekeke. U bonisa kuli u ngile nto yeñwi cwalo; ha u si ka swaiwa mwa Lihalimu, ki Moya o Kenile. Kasamulaho nyana lu ka kena ku zeo, ni ku mi bonisa shutano kufita zeo. Cwale, yeo ki nto yenyinyani fela.

101 Mi mina baana, mu ya kwa kekeke, kuzamaya mwa mikwakwa ni kwai mwa mulomo wa hao, inge po—po poho ya kwa Texas, ya singungunya. Ni kuba. . . Ha ni buleli cwalo ka lisheha. Ha ni lumeli mwa lisheha fa katala. Ni bulela kuli yeo ki Niti. Kuzamaya mwa mukwakwa, ni kuina mwa libaka, ni kubulela buhata, ni kuuzwa, ni kuputelelana, ni madikoni fa katengo ka likeleke.

102 Kuya mwa likeleke ni ku yo bapala lipapali za bunco za kale ze, zeo ha ki zeñwi mwa lifasi kono za zibahala, ki kunuha kwa kulaula ko ku maswe. Yeo ki niti. Mi mwa eza cwalo, ni kuhuwaka za mwa libuka. Mu ba ba maswe fela, mwa likeleke zamina, mina ba Methodist, Baptist, ni Mapentekota, yo uli yena kaufela yaeza cwalo. Yeo ki niti. Mi mwa ziba kuli yeo ki niti. Kono ki sikamañi seo? Mu ikusufalize sina maa mina kwa mulaho kwani. Luli ki nto yeswana, mi poto haikoni kubiza ketele bunsu. Mi wani kona moya wa lika.

103 Kono ha Ni lwanisi sicaba sa Katolika. Ha ni lwanisi ba Methodist, kamba ba Baptist, kamba ba Presbyterian. Mulimu una ni sicaba, Lipeu za Abrahamama, kwande kwani. Ha ki kulwanisa sicaba. Ki likeleke za bona, ba ikongakonga ili bona kwani, mi ba lapela kekeke kufita kulapela Mulimu. Oh, mina Baipanguli ha mu lati kulumela cwalo, kono mu lumele cwalo, nihakuli cwalo. Ni ka li, kana u Mukreste nji?

104 Kihande, kwanu ha ki kale hahulu, Muzwale Bosworth na buzize musizana, ali, “Kana u Mukreste nji?”

105 Ki hali, “Mukreste? Ni ka kutusa kuli u utwisise, Ni tukisanga kandela busihu ni busihu!”

<sup>106</sup> Kihande, cwale mina Baipanguli munahana kuli yeo ki nto isili? Kana u Mukreste? “Ni ka kutusa kuli u utwisise, Ni wa Methodist,” kamba “wa Baptist.” Kihande, sani ha si talusi sika kono u zwile mwa lizazi la sishemo, sa hao, ku na; yeo ki niti, haiba zeo kona fela zo li zona, wa Methodist fela kamba wa Baptist. Haiba ha u Mukreste mwa Methodist yani, kamba Baptist, kamba keleke ya Katolika, u latehile. Yeo ki niti. Kona kuli ki yeo nombolo ya mina foo.

<sup>107</sup> Bubeli bwa linombolo zeo ki za moya. Cwale Ni ka mi bonisa zona ka Bibebe. Bubeli bwa linombolo ki linombolo za moya.

<sup>108</sup> Buñata bwa batu ba hupula kuli, “Ba ka zamaya kwa ni kwa inge ba mi paza pazo mwa pata, ni kupaza nto yeñwo fa lizoho la hao.” Lu fumani cwana, maabani busihu, kuli bwani neli buhata. Eeni, sha. Ani ki mafosisa. Ki nombolo ya moya. I—i patilwe fela. Mi, a mutalime, linako zeñata . . .

<sup>109</sup> Cwale Ni ziba kuli se sa kona ku comaula kwateni mafufa amañata, mi si—si—si bonahala tata. Kono ika—ika otolola hande haiba lukona fela . . . ni kufa Mulimu kolo nyana. Ha—Ha ni talusi kuba ya sina likute, kono Ni—Ni lika kutomahanya niti, ka pilu yaka kaufela.

<sup>110</sup> Mi Jesu Krete hana boni keleke ya Baipanguli yani i zwa mwa keleke ya Katolika yani kwani, ni kuzwa kono ni kukutela mwateni kapili hape, ni kukuta hape mo ne ba tezi, Ki hali, “Moya wateni ukaba bukaufi luli, kufitela mane u puma ni bona Baketwa . . .”

<sup>111</sup> Kana mu lemuñhile, balikani ba Sikreste, kuli antikreste, ili nombolo ya sibatana? Antikreste, mañi ni mañi uziba kuli antikreste kwani, yeo kona nombolo ya hae, ki . . . ya mata a hae. Mi, mwabona, ki sibatana, ki puso. Ki yeo puso ya keleke ya Katolika. Ki yeo puso ya keleke ya Methodist.

<sup>112</sup> Ne niile, kwanu ha ki kale hahulu, ku mucaha yomunde luli. Haiba ha Ni fosi, uinzi ona mwahali mo mwa keleke busihu cwana. Mi Edith Wright yomunyinyani mi bani ba ba taha kwa mukopano kwanu, isiñi limaili ze mashumi amabeli kuzwa mwa sibaka se. Mi, luna, sicaba . . . Ne ni sweli fela ku kutaza Evangeli ya puluso. Ne luna ni kupahama limota kuli lufite fa sibaka se. Mi busihu bwani, bo mulisana ba ni bizeza kwande ka swanelo, bali, “Ni swabile ku mi bulelela, Rev. Branham. Kono ba ni bulelela kuli nebana ni bakuli babaliteni mwani, mi muuna wa luna wa sikiliti ataha mi ali, ‘Hakuna foliso ya Bumulimu mwa keleke ya Methodist.’ Kacwalo u lukela kuya kwa katala, u lukuluhile, ni kuzwa mwa kopano.” Yeo ki niti.

<sup>113</sup> Kiñi? Mata a keleke ya Methodist. Ani kona mata a sibatana. Keleke ya Baptist ya swana; Campbellite, ni ba Lutheran, ni babañwi kaufela, ni ba Pentekota, ki ba ba maswe luli. Yeo ki niti. Ni bile ni sicaba sa Pentekota . . . Mi ba Assemblies of God ba kenii mwa katengo ka likeleke, ili fela za—za . . . Ba ikongakongile



fela ili bona kwanu, ni “maa” bona wa lihule. Kacwalo kopano kaufela ya kopano izwa kwa Rome. Yani ki yena me wa zona. Mi Na ha ni mulumeli wa ba Latter-Day, kamba Latter-Day Rain, kamba mu libiza cwani kaufela. Ha ni lati. . . Ha ni wa siemba sani.

114 Kono Ni talusa cwana, kuli baana ni basali ba lukela kulukuluha ku Krete Jesu, ku zamaya mwa Liseli. Mi keleke kaufela ilukela kuba nto yeswana. Yeo ki niti.

115 Cwale, mulemuhe se, ka mo Bibebe . . . Mu utwe seo. Kopano yani, muhupule, fani kona fo i inzi, ona fani. Mi lu fumana kuli, keleke ya ba Katolika ha ne i kalile kwa mulaho kwani, ba ba ni kolobezo ya buhata ye ne batahile ni yona, kufafaleza mwa sibaka sa ku kolobeza. Hakuna Liñolo ni le likana mwa Bibebe la zeo. Mi ha ki seo fela, kono ki Moya o Kenile, ni kolobezo ya mezi, ni mifuta, ni malumbatina, ni lika zeñwi kaufela, ba eza lisheha mwa lika za niti. Mi hakuna mukutazi mwa naha, ya kona ku ni bonisa sibaka silisiñwi ko ne si kile sa ezwa mwa keleke yapili. Yeo ki niti. Haliyo mwa Bibebe. Kono ba taha ni zona, mi luna lu kubamela fapila zona. Mwabona ko lu kutela hanze luya cwalo?

116 Mi kacenu mwa komoka kuli kiñi halusina ancafazo. Leo kona libaka lateni, muzwale. Se lutokwa kacenu ki nako yende, ya kale, ancafazo ya Muhalalehi Paulusi, ni Moya o Kenile wa Bibebe kukutela mwa naha hape. Kona se lu tokwa. Cwale . . .

117 Mi ba amuhezi “nombolo ya sibatana,” kamba “litaku za libizo la hae,” ze ba ezize siswaniso ka zona. Siswaniso neli fela kopano inge keleke ya Katolika. Ne ba iongaongile ni kupanga siswaniso sa keleke ya Katolika. Ki keleke ya Methodist yeli siswaniso sa yona; keleke ya Baptist, keleke ya Presbyterian, keleke ya Pentekota, ba keleke ya ba Holiness, ba Pilgrim Holiness, ba United Brethren? Mañi ni mañi ya na ongaongile, na swanisizwe ku zona. Ne li si ka ba kale mwa Bibebe ya Mulimu. Yeo ki niti. Likopano; ku ongaonga!

118 Mulimu ki yena mueteleli. Mu li talime kuzwa kwa mulaho kafoo mo mubatela kaufela. Mutalime kwa Isilaele, ha ne izwa kwa Egepita.

119 Mi Mamoabi bani kaufela inge bayemi fani, ba mialo, inge ba fa litabelo; tutala to tu sebene, sebene kuya- . . . lingu ze sebene, kubulela ka kutaha kwa Krete; lipoho ze sebene, sitabelo se si kenile. Ona fani, mupolofita wa hae yomutuna na yemi fani, Balami, kuli a kute Isilaele. Mi ne kuna ni Isilaele . . . Ne kuna ni Moabi, naha yetuna. Ne kuna ni ma Amori ni babañwi kaufela, naha yetuna, ba kopana hamoho kuba naha.

120 Mi Isilaele na hasani mwa mabala ani ni litende zeñata. Nebali “bazamayi ni baenyi, banze ba bata Munzi o taha,” neli likopano ze kopani kopani. Mi ki sikamañi se ne ba ezize? Nebana ni lisupo ni ze komokisa inge li ba latelela. Baa ne ba si na zona; mi ne ba na ni muna ka bani. Yani neli mioya.

121 Mulimu u nganga mutu wa Hae, kono isiñi Moya wa Hae. Anga Elia, mi Moya wa Hae wa taha ku Elisha; myaha ye mianda cwalo kasamulaho, wa taha ku Joani Mukolobezi; u li bulezi hape mwa lizazi la mafelelezo.

122 Diabulosi u nganga mukwa wa hae, kono isiñi moya wa hae. Yena muluti ya swana yani wa bulapeli yana nyazize Jesu Kreste bakeñisa limakazo za Hae ni lisupo ni ze komokisa, ni ku shutana ni Yena fa Mañolo, na itiisize luli mi ataha ku to Mu bulelela ka zona. Ona moya o swana wani u sa pila ku muluti wa za bulapeli kacenu . . . ? . . . ya ketilwe ki Mulimu kutaha mwa katulo yani. Kona se ibulezi Bibebe. “Baana ba kale, baba lukiselizwe sinyeho ye, kuli bafetule sishemo sa Mulena luna mwa butanya.” Yeo luli ki niti. Ku Juda, timana ya 3—ya 3 ya—ya Juda, mwakona ku i fumana. Yeo ki niti.

123 Mulemuhe lika zani kaufela ze iponahaza mwani, kuli kuna ni nombolo ya sibatana. Fani kona ko i inzi. Kacwalo ha musweli kumata mata fa ni kubulela kuli, “Kihande, Ni ka bonisa nombolo ya sibatana ha se itile,” mu tokomele kuli hamuna yona kale. Mi bani baba na ni cwalo, ba ka fiwa koto mwa mulilo ni sulufura, ili ze zweile mwa komoki ya buhali bwa Mulimu, ku to nyandiswa musihali ni busihu, kamita ni kamita. Ki taba yetata. Cwale ku banduka kwa mina ku cwani?

124 Ku kaba nako, ye taha ona fa cwale. Mulemuhe, mi mwa kopano yani yesweli kuzamaya. . . Cwale halu boneñi ni mife sinotolo nyana fa. Mwa kopano yani ye shetumuka ona cwalo, ku taha nako yeo uswanela kuba kwa kopano yani kusi cwalo hauna kuleka kamba kulekisa; kamba kuba ni nombolo yani ya bukwenuheli, nombolo ya keleke. U lukela kufumaneha kwa kopano yeñwi ku si cwalo haukoni kuleka kamba kulekisa.

125 Mi, amuteeleze, mina sicaba ba ba ziba Niti. Ha ni buleli kuli muzwe mwa keleke ya mina. Ha ni buleli ze lwanisa za mina. . . ka wena kamba ma membala ba hao. Ni bulela ka za nkambe yetuna, kwani ha ne ba ongaongile lika, ni ku ieza, “Lu ka eza se. Lu ka eza *sani*.” Mi ba beya mulao o tiile wani sina sipi. Mi Mulimu wa li pazula mwa liemba emba, ni kuzusa Keleke ya Hae ku zona; kamita kona mo ne libezi.

126 Mutalime mwa musipili wa bana ba Isilaele. Ne ba tumbuzi mulilo. Ne ba ina busihu ni busihu. Siita sa Mulilo ne si nyendaela fahalimwa bona. Mi ha Ni na taba kamba neli nako mañi mwa musihali kamba busihu fani Siita sa Mulilo sani ha si funduka, litolombita za lila mi Isilaele a lwala za mafulo ni kufunduka. Haiba neli mwahala busihu, tu kiloko ya musihali, nako kaufela ye ne ili yona, ne ba lwala za mafulo ni ku latelela Siita sa Mulilo. Kana ku cwalo? Ne ba latelela Mulilo.

127 Kihande, Martin Luther hana boni Mulilo wa Mulimu ha u zwela fande, Martin Luther a zwa mwateñi, a latelela Mulilo

kuzwa mwa Bukatolika. Kono ayaha mwatasi mwani ni ku ongaonga keleke ya hae, mi na si ka shenya.

<sup>128</sup> Mulilo wa zwelapili ona cwalo, mi Wesley a U bona, mi ona fani a U latelela. Yeo ki niti. Mulilo wa Mulimu wa siya Luther ali kuina. Mi, taba yapili mwa ziba, Wesley na yahile mwatasa Ona, keleke ya ba Wesleyan Methodist.

<sup>129</sup> Mi kwa taha Alexander Campbell, John Smith ni ba Baptist, ni babañwi cwalo, ni Moody, ni bani kaufela. Mi, taba yapili mwa ziba, ba kala kuba ni sizo, ni ku omelela, kubata, mi bapolofita ba kale hane ba shwile, ni zeñwi cwalo. Sikwata sesinca se sa palelwa kutaha ni sika kwanda tuto ya za bulapeli, mi cwale, taba yapili mwa ziba, mazoho akanjimbwa mwa sico ni ku sinyeha.

<sup>130</sup> Mi Moya o Kenile wa ikela, mi ba Pentekota ba U bona mi ona cwalo ba ikela; kiniti, ba zwelapili ona cwalo, kuzwa mwahala ba Methodist ni ba Baptist, ni babañwi cwalo. Cwale taba ye situhu ka zona, kono ka kutaleleza Linzwi la Mulimu, ba Pentekota ba ikongakonga, mi kuba fela ka kubatelwa mane sina babañwi ba bona fela. Kono, mutalime, hakuna kuba lusika loluñwi lwa keleke. Lusika lwa mafelelezo ki Lusika lwa Keleke ya Laodesia, loo kwateni ha lu cisi kamba kubata. Ki lwa bulapeli hahulu fela, lipina halisweli kuliziwa, ki kubina fela fahalimu ni fafasi mwa lipula, mi ni kuina, kuya kwa mandu ni ku kala kuseba yomuyahile ni yena.

<sup>131</sup> Se lutokwa kacenu ki mufuta wa kale, wa Moya o Kenile, o lumilwe ki Mulimu, ancafazo ye ka ku wiseza fafasi ka pata ni kulila, musihali ni busihu, ni kulila ni kubokolola ni kuzwelapili, bakeñisa libi za lifasi. Luka kena ku zona. Yeo ki niti.

<sup>132</sup> Kono ki bani fani. Fani kona fela fo ba fitile, kuenya fela. Mulimu ali, “Za Ni kulisanga fela mwa mba ya Ka! Ni ka ku taza fela mwa mulomo wa Ka.” Yeo kona keleke, keleke ya Baipanguli, ye hanilwe. Keleke ya Baipanguli i hanilwe; kuzwa kwa Pentekota kutaha ku Luther, kalulo kaufela ya Yona. Linzwi la Mulimu li bulela cwalo.

<sup>133</sup> Kono kuzwa ku yeñwi ni yeñwi ya likeleke zani, U ngile Baketwa. U ngile Peu ku yeñwi ni yeñwi, kuzwa ku ba Methodist, ba Baptist, ba Presbyterian, ba Lutheran, kutaha mwani kaufela, Katolika, ni kamukana. U ngile sicaba sa bo masiyaleti, uziselize sicaba fande.

<sup>134</sup> Kwanu ha ki kale hahulu, kalibe yomunyinyani ya lobezi mwa Louisville mo, wa Katolika, na shwa. Na ya kwani. Mi muprisita ali, “Bukuba, kwa sika se si cwalo!”

Mi muuna hae ali, “Yema kwatuko. Mutuhele akene.”

<sup>135</sup> Na kena mwahali mwani. Mi musali na lukela kushwa habusa kakusasana. Hane ni sweli ku mu lapelela, pono ya kwaluha, mi yali, “SA BULELA MULENA KISONA.” Yeo

ki niti. Habusa kakusasana. . . Na mu bulelela lihola ze ne kabateni, neli fela handende ka kuzamaelela, nako ya na folile. Ne ba seha, awa kwa ba lisheha. Mi yona hola yeswana Moya o Kenile wa bulela, aya kwa hae ali musali yaiketile, mi u folile ni kacenu. Na li wa Katolika. Ne bali ba Katolika. Ne *bali* ba Katolika.

<sup>136</sup> Ha u amuhela Liseli. . . Mwa Testamente ya Kale. . . Halu boneñi ni mi bonise mufuta cwale. Muteeleze hande, kona Ni ka ya fela kwa tuto yaka. Mutalime, mwa Testamente ya Kale, mutanga hanali mwa butanga, mi nana ni. . . Na lekisizwe kwani, ka teko. Nana ni kusebeleza mulena hae kufitela mwaha wa jubile. Mi cwale mwaha wa tukuluho jubile ha u taha, nekuna ni tolombita yene liziwa.

<sup>137</sup> Mi cwale mutanga hana li kwani, yena ni bana ba hae, ni mufumahali ni bona kaufela bene ba bata ku kutela kwa naha ya habo. Ne ba ka puputa mwa simu, ni mubelekisi inza ba shapaka, neku *le* ni neku *lani*. Mi cwale muprisita wa tukuluho ha na taha, ni kuliza tolombita, mi muprisita yani u liza tolombita, mi muuna yani wa utwa tolombita. Na wisa muhuma wa hae, na wisa kaufela sa na sweli kueza, ni kotalima mubelekisi mwa meto, ni kubulela kuli, “Haukoni ku ni naha hape. Ni lukuluhile.” Wa zwa inza itamaela ni kuya kwa hae. Kiñi? Kuna ni mulumo wa tukuluho, hane ba utwile mulumo.

<sup>138</sup> Mi yeo kona Evangeli, ki tukuluho, ya kuli u lukuluhile kwa sibi. U lukuluhile kwa mikwa ya masila ye kaufela ni lika zeo lifasi li tisize mo ka libizo la bulapeli, mwatasa Baipanguli hamoho ni Bukatolika, mwatasa nombolo ya sibatana. Yeo ki niti. U lukuluhile.

<sup>139</sup> Ha u lukeli kuba cwalo. Kono cwale haiba mutu yani na ka hana kuamuhela sani, kipeto muuna yani u isiwa kuzwa fani kuya kwa musumo wa aletare ya keleke, mi kipeto uba ni swayo ye beiwa kuyena, ba mu punya lisuba kwa zebe. Mi na ba mutanga ku mulena yani haibile fela a pila.

<sup>140</sup> Mi ha u hana kuamuhela Liseli la Evangeli ha i kutazwa mwa Mata a Moya o Kenile, ka Bibebe, wakona ku i tibela bukamusu bwa hao bwa Kuyakuile. Amen.

<sup>141</sup> Cwale mutalime, nto iliñwi fela, haiba mu ka ni swalela ka kubulela taba yeo mwa mizuzu nyana yefitile, kaza—kaza muuna. Kono, mutalime fa, “Kupuma ni bona ba Baketwa. . .”

<sup>142</sup> Cwale, lubile lu ngungula ku ba Lutheran, Baptist, ni babañwi cwalo, ni ba Katolika, cwale haluboneñi ni tahe ku mina sicaba sa ba kukena fa muzuzu fela. Mwabona? Ni lumela mwa kukena. U lukela kuba ya kenile. “Kusina kukena hakuna mutu yaka bona Mulimu.” Isiñi kukena kwa ka; kukena kwa Hae. Mi hakuna se Ni kona kueza ka zona; ki Sa ni ezelize. Ha li si ka itinga ku na, kakuli Hanina ze ninani, mane ha ni liki kuba neba ni zekana. Ha ni liki ku—ku kuba cwalo.

“Kana u lika ku swalelela, Muzwale Branham?” Batili, sha.

<sup>143</sup> Ni ituhela fela, ni ku lumeleza Yena a ni swale. Yeo ki niti. Ki Yena Ya ni swalelezi. Mupile fela inge mu shwile, kona fela ze mu lukela kueza. Muipeye fela inge mu shwile, Uka swalelela. U kumalezi kale. Na kumalezi kwani kufitela Abulela kuli, “Ku felile.” Ani neli mafelelezo. Mulimu u lu tuhelezi kueza cwalo, ka kuswana. Ku felile.

<sup>144</sup> Kono, sicaba sa ba kukena, mina ba Nazarene ni ba Pilgrim Holiness cwale, muhupule. Mwatasa mata ni kuzwa mwa keleke ya Wesley, kamba keleke ya Methodist, hane ba ikongakongile, mina sicaba sesinde sa ba kukena, mwali, “Lu ka zwelapili mwa kukena.” Sani neli sesinde. Mu bulukile fela ona lusika lwani, ona Lusika lwa Filadelfia lwani, kufitela lu taha kwa Laodesia. Kono cwale kolobezo ya Moya o Kenile hane itile, mi lisupo za kutela kwa keleke, mwa li biza kuli “ki diabulosi.” Kakuli ne ba bulela ka malimi ni kulumela mwa lika ze, se muli, “Ne li za diabulosi.” Mi ha mu eza cwalo, mwa nyefula Moya o Kenile.

<sup>145</sup> Kana Ni kona kubulelela cwani lizoho laka kuli, “Ha ni ku tokwi?” Haiba kuna ni baluti, kuna ni kubulelela ka malimi. Haiba kuna ni babuleli, kuna ni limpo za kufolisa hape. Kana lihutu likona kubulelela cwani liito kuli, “Ha ni kutokwi wena?” Mwabona? Wena, haiba u mwana Mulimu ya pepilwe, u zamaye mi u amuhele lika kaufela za bulela Mulimu kuli li lukile. Uka zamaya hande mwa Liseli.

<sup>146</sup> Hane ili nako yakuli Keleke i zamaye, Luther a zamaya. Hane se ili nako yakuli Keleke i shenyise lizoho la Yona, Wesley a shenyisa lizoho. Hane se ili nako yakuli Keleke i bulele, Pentekota ya taha. Yeo ki niti. Kono, cwale, mulemuhe.

<sup>147</sup> Mu li, “Mi mufuta?” Mu li, “Kana kuna ni mufuta wa sani?” Eeni, sha.

<sup>148</sup> Kana mwa ziba kuli Judasi Isikariota, yena antikreste wa niti, nali muuna wa bulapeli luli? Kana mu lemuhele cwalo? Nebana ni sepo yetuna hahulu ku yena, mizwale, kufitela aba yena mubuluki wa sikwama sa keleke.

<sup>149</sup> Mi Judasi Isikariota na beilwe ya lukile ka tumelo, inza lumela ku Mulena Jesu Krete.

<sup>150</sup> Na kenisizwe ka Linzwi. Maheberu, 17:17...Ni talusa, Muñoli Joani 17:17, “Ba kenise, Ndate, ka Niti; Linzwi la Hao kona Niti.” Mi Nali yena Linzwi.

<sup>151</sup> Mi ne ba filwe mata a kuya kwande ku yo kutaza Evangeli, ni ku leleka mioya ye maswe, ni ku folisa bakuli. Judasi Isikariota, Mateu 10, na bulezwi mwahala bona. Mi ba zwela kwande ku yo leleka mioya ye maswe, ni ku yo kutaza Evangeli mwa nzila ye cwalo kufitela baeza libi ba baka ni mioya ye lunya yazwa. Mi ba yo kuta inge ba nyakalala ni kuhuwa, ni kuba ni nako yende,

sina mukopano nyana, wa za kukena. Mi Judasi nali ni bona. Yeo luli ki niti, ona hamoho mwahala bona.

<sup>152</sup> Kono hane se ili nako ya Pentekota, Judasi a bonisa mubala wa hae.

<sup>153</sup> Kwani kona koo keleke ya ba kukena ne ibonisize mibala ya yona, ona fani, mi ya ya ona cwalo ni kulatula Moya o Kenile ono ba zamaisa mwa Mezi a buliba; kufetuha ni ku U latula. Ni ziba kuli bana ni buñata bwa bafitelezi- . . .

<sup>154</sup> Ha ni wa Pentekota. Na li kubua ni be wa kopano ya ba Pentekota, mbamba. Ni yemi mwa pakani. Ha ni wa Pentekota, Methodist, Baptist. Na ni Mukreste fela wa Bibebe. Ku felile. Ni lumela se li bulela Linzwi. Mi ha Ni koni kulatula mpo ya kubulela ka malimi; haiba Ni eza cwalo, Ni ka latula kuluta ni mpo ifi kaufela ye susumelizwe. Yeo ki niti. Ha ni si ka lumelana ni mizwale ba Pentekota fa “bupaki fela,” bwa kubulela ka malimi. Ha ni ezangi cwalo. Cwale, zeo li lukile, haiba ba li lumela ka nzila yeo. Wo ki musebezi wa bona, mwabona, kono zani li lukile hande. Ni . . . Paulusi naize, “Ni tabela kuli kaufela mina mubulele ka malimi.” Ni tabela kubona mutu kaufela abe bukaufi ni Mulimu.

<sup>155</sup> Bana ni mipende yemiñata, tumelo yeñata ya buhata. Ba ile kwande kwani, linako zeñata, ni kueza inge kuli bana ni Moya o Kenile, mi ba bulela nto yene sa buleli ka malimi. Bupilo bwa bona ne bu paka seo nesili sona. Kono ku bile kalulo ya niti ye sweli kuezahala ka kuswana fela, ka nako kaufela.

<sup>156</sup> Kihande, kiñi diabulosi ha si ke kukenya mwateni mulikani, siteiso sa liñwalala? Luli, wakona kueza cwalo, kulika kutibela. Na kashelize mwateni nto yeswana mwa kukena. Na kenyize mwateni nto yeswana mwa Methodist. U nepela lika zeswana mwa lizazi la Luther. Mi usweli ku nepela lika zeswana kacenu. Mi mwatasa mata a limpo, a foliso ya Bumulimu ni litemuho, u nepela lika zeswana mwateni.

<sup>157</sup> Kono kana sisabiso sa mañwalala sitalusañi ku wena, haiba ukona kubulela inge nyunywani? Linyunywani lili, “Ha Ni bona sisusa, yani ki tikiti ya sico. Ma apule a liteni, afumaneha kai ni kai ko ku fumaneha libaka kaufela ni lisabiso za bisusa zesweli kunyendaela.” Yeo ki niti.

<sup>158</sup> Kono mwa bona moya wani mo no tezi kwanu. Mi Jesu atalima ni kubona kuli mwahala keleke ya Katolika yani, ha taha. Ali, “Musike mwa biza mutu kuli ki ndata mina. Musike mwa itusisa manzwi a ku kutakutela, lika ze kaufela.” Muzwele kwande mi muli, “Cwale mu tokomele, antikreste ukaba bukaufi hahulu kufitela apuma nibona ba Baketilwe haiba ku konahala.”

<sup>159</sup> Talima, muzwale, ki basizana babakai balanjo bene bailo katanyeza Mulena? Lishumi. Kaufela bona neli balanjo. Kana ku *keniswa* kotalusa sikamañi? “Kukena, kukenisisa, mwalanjo.”

Balishumi babona neli balanjo. Babaketa lizoho nebasina Oli mwa malambi abona. Babaketa lizoho ne bana Oli mwa malambi abona. *Baa* ba ketalizoho neli fela ba bakenile ni bwalanjo luli sina *baa* mo ne babezi. Kono kanti *Oli* iyemela sikamañi, mwa Bibebe, mo ne lu fumanezi maabani busihu, busihu bwa maloba? Ki Moya, “ki Moya o Kenile.” Neba tapile ni kuina fani, kono ne ba saba mi bayemela kwa Sibuba se ne si silula Oli. Mwabona, ba ikongakonga ili bona ni kuina fafasi, mi ki bani fani, ba enya fela. Kwani kona ko ne kuile lusika lwa keleke.

<sup>160</sup> Cwale, cwale lutaha fa nombolo ya Mulimu. Nina ni mizuzu ye mashumi amalalu, haiba Mulena alata. Cwale Ni bata kuli muapule nina, pili, mi mu mubone taba yateni mo i bezi butokwa, yona nombolo ya Mulimu ye.

<sup>161</sup> Muhupule nombolo ya sibatana seo ili sona; isiñi swalisano. Nombolo ya sibatana izwa kwa Rome, mwahala lifasi kaufela; Bukatolika, ni Buipanguli za kena mwateni, bulapeli bo bu ongaongilwe. Mi ba ka tamahanya likeleke kufitela keleke ifi kaufela ika kubamela kwa sika sani, likopano za luna ze kopani li lelekezwi kwa matuko a nzila. Yani ki niti.

<sup>162</sup> Sinulo kauhanyo ya 9 cwale. Ha lu baleñi ka tokomelo fa ka mizuzu yelikani fela, haiba Mulimu alata, ni kubona sa Na bulezi mwa Linzwi la Hae. Cwale . . . [Hakuna manzwi fa tepu—Mu.] . . . ya—ya Sinulo, ni timana ya 4. Muteeleze ku se.

*Mi za bulelelwa kuli li si ke za (ha ba bona likozi zani inge li suluha) kuli li si ke za sinya bucuwañi bwa lifasi kamba likota . . . kamba limela ze na ni butala kaufela, nihaiba likota kaufela; kono . . . konji ba ba sina nombolo ya Mulimu fa lipata zabona.*

<sup>163</sup> Mi likoto ha ne litaha, bona fela be ne ba silelezwa neli bani bene ba swailwe mwa Mubuso wa Mulimu. Ye ki katulo ye tikitiba, mi batu . . . Mi haiba Mulimu uka ni tusa, mwa mizuzu yelikani lu ka libonahalisa ka Linzwi la Mulena, kuli ye kona nako ya kuswaiwa mwa sibaka. Mi bani baba Li hana, hakuna ze siyezi kwanda koto ya Kuyakuile.

<sup>164</sup> Cwale lu ka kena mwa Testamente ya Kale. Mi ha lu fiteleleñi fa, haiba mu lata, kwa Buka ya Ezekiele, haiba mwa lata, mi ha lu baleñi hanyinyani mwa Ezekiele 9. Cwale, ka tuso ya Mulimu cwale, Ha lu tuse. Mi luinele cwale fa tuto, ka mizuzu fela ye mashumi amalalu yetatama, haiba Mulimu alata. Cwale ye ki yabutokwa, ha mu iñole, Ezekiele 9, se sa swanela . . .

<sup>165</sup> Taba yapili ye lu lukela kufeza cwale, Liswayo la Mulimu ki sikamañi? [Hakuna manzwi fa tepu—Mu.] Kikuli ha mu nahani kuli zeo likaba za butokwa? [Kopano ili, “Amen.”] Kana Bibebe ki Linzwi lelinde ku mina? [“Amen.”] Cwale Ni ziba kuli muna ni zeo, baba bulela kuli, “Kubuluka lizazi la sabata,” kono hakuna nihaiba kalulo iliñwi ya Mañolo ye ka yemela zeo, mwa Testamente ye Nca. Ha lu fumaneñi seo Liswayo la Mulimu lili

sona, eni sha. Mu apule mwa Maefese 4:30, 4:30, ni 1:13. Mu i ñole. Maefese 4:30 ili:

*. . . musike mwa halifisa Moya o kenile wa Mulimu, o mu swailwe ka ona kuisa lizazi la kuliululwa kwa mina.*

<sup>166</sup> Cwale, *kuswaya* kutalusa sikamañi? Kuswaya ki “sisupo sa kufeleleza.” Kana ku cwalo?

<sup>167</sup> Kihande, kikuli mukile mwabona litima ha li longile limota? U ka zwela kwande ni kubeya zeñata hahulu *fa*, ni zeñata hahulu *fa*. Mutikitibi ha taha, wa talima mwahali; mi haiba *ye fa* i ceputukile, ika nyungana, “Batili. Hanina ku i swaya. Ni lukela ku ipazula ni ku kalisa sinca hape.” Taba yetatama, uka lika ku ilonga sinca hape; uka fosa taba ye. Mutikitibi ha taha uli, “Ifosahalile. Amu longe sinca hape.”

<sup>168</sup> Mi zeo kona za bile aeza Mulimu ni keleke ya Hae fa nako yetelele. Mu ka longa sinca, mi mu ka ya kwa Lihalimu; u lwezi lika kaufela ko uya. Lipapali za hao za makadi, huh, nto yeñwi kaufela yokona kulonga mwa keleke, mulika kuzamaya ni yona. Mulimu uka li nyaza fela; ha si ka itukiseza ku li swaya.

<sup>169</sup> Kono cwale Mulimu ha bona mutu, ya lobehile pilu, ya tomohile mwa moya, ya sepahala mwa pilu, ona fa katala fani, Mulimu ukwala sikwalo sa lifasi ku yena, ni ku mu swaela mwani ka kolobezo ya Moya o Kenile, mi likaba cwalo kufitela Jesu ataha; isiñi kuzwa ancafazo ye kuya kuyeñwi, kono, “ki kuisa kwa lizazi la kuliululwa kwa mina.”

<sup>170</sup> Mi mota ya simbaya yani, sikwalo, si kwalilwe, mi liswayo la muuso li beilwe fateni, ha si koni ku kwaluha kufitela i yo fita ko ilibile.

<sup>171</sup> Mi mutu kaufela ya pepilwe sinca ni ku swaiwa mwa Mubuso wa Mulimu, hasana ktakazo ya lika za lifasi kuisa lizazi la Jesu Kreste amu ngela mwa Mubuso. Kacwalo haiba una ni butata, mi u bulela kuli una ni Moya o Kenile; kamba u wa keleke ya Methodist, keleke ya Baptist, keleke ya Pentekota; kamba u huwile, ubulezi ka malimi; ku kolobezwa kwapata, kwa mulaho, ku fafalezwa; haiba u sa na ni matata a cwalo, ki hande ukute mi u tatube mutiyo wa hao. Yeo ki niti. Uikutwisisa hahulu wena; i ceputukukile hahulu, kunyanganya. Mulimu haana ku i swaya ka neku leo.

<sup>172</sup> Haiba bubeke bwa buloto buwela mwa mubu, hakuna taba . . . Haiba peu ya buloto yani ishwa ili inosi, haina kutahisa za mufuta wayona, kuli ipilise bupilo bwayona. Peu ya buloto ika tisa bubeke bwa buloto, ka niti fela sina sika kaufela. Mi haiba lu calilwe ka Peu ya Mulimu ye sa shwi, Ikona kutahisa cwani sika kwanda Bupilo bwa Kreste?

<sup>173</sup> Moya o Kenile u zamaisa Keleke, u I etelela mwa Mata a zuho ya Jesu Kreste, mi u swailwe kuisa lizazi la kuliululwa. Yeo kona Bibebe. “Musike mwa halifisa Moya o Kenile wa Mulimu, o



mu swailwe swayo ka ona kuisa lizazi la kuliululwa kwa mina.”  
Maefese 4:30.

<sup>174</sup> Cwale, Moya o Kenile u si ka taha kale, u swailwe fapila lusika lwa Bamacaba lu si ka kalisa kale. U swailwe mwatasi likandela za gauda zani (neluna ni siswaniso, sa ku si utwisisa) kwa mulaho kwani mwatasa lusika lwani.

<sup>175</sup> Na zwezipili ku angabazwa ki bona ka Abrahamama, Isaka, Jakobo, Davida, ni kutaha cwalo mwahala lusika lwa lififi lone ba nani mwa mazazi a Akabe, kutaha cwalo fafasi, Solomononi, ni babañwi cwalo, kufitela itaha mwa buino bo bu enya fela bwani. Kono Asika kwala kale nako yani, A fa mata amatuna a Moya o Kenile kwa Majuda fela, “Musike mwa ya ka nzila ya Bamacaba, kono muye kwa lingu ze latehile za Isilaele.” Kana ku cwalo? “U tile ku Habo, mi ba Habo ha ba si ka Mu amuhela.”

<sup>176</sup> “Kono bona baba Mu amuhezi kaufela, U ba file Mata a kufetuha bana ba Mulimu.” Na ize, “Ni bafa Bupilo Bobusafeli.” *Bupilo* Bobusafeli izwelela kwa linzwi la Sigerike la kuli “Zoe.” Zoe kona Bupilo bwani. Zoe kona Bupilo bwa Mulimu. Mi haiba Bupilo bwa Mulimu bupila ku wena, butisa bupilo bwa bumulimu ka niti fela sina mo Ni yemezi fa katala fa. Mi mutu yana ni Bona, hakoni kushwa sina Mulimu mwa sa koneli kushwela, kakuli Mulimu uku mutu. Amen. “Yo kaufela ya utwa Manzwi Aka, mi alumela ku Ya Ni lumile, una ni Bupilo bobusafeli, mi haana kutaha mwa katulo; kono una ni Bupilo bobusafeli.” “Ya ca nama ya Ka ni kunwa Mali a Ka, Ni ka mu zusa ka lizazi la mafelelezo.” Lani kona Linzwi la Hae. Ha ki tiisezo ni yeo ku mulumeli! Mi ha ki katulo ni yeo ku baba hana kuzamaya mwa Liseli.

<sup>177</sup> Ku ya ku futumala, nji cwani? Ku lukile, Ki hande ku mina. Mulemuhe, mubone haiba ye ki niti. Muzwale, neluka linga, Mañolo mwa mulaho wa Mañolo, biki mwa mulaho wa biki, biki ni biki, ni kuinelela ku se, kutisa . . . tuto yeswana, ka silimo mutumbi, niteñi nelusike lwa i feza mwa Bibebe, kaufela yona, mi ki kuzwelapili fela mwa nto yeswana.

<sup>178</sup> Cwale ka mukwa fela wa makalelo fa, lu kutela kwa mulaho ni kufumana se si ezahala ka kulatula kolobezo ya Moya o Kenile ku wena, sene si talusa ku bona mwa lizazi lani.

<sup>179</sup> Cwale, mwa Ezekiele kauhanyo ya 9, mupolofita na boni Jerusalema. Cwale muhupule, lu bulela mwa sibaka sani, Majuda, kufela kwa bona ku si ka taha kale.

<sup>180</sup> Cwale lu mwahala Bamacaba, kwa kufela kwa bona. Mi kona lu ka ya mwa Mileniamu. Ku lukile.

<sup>181</sup> Kono cwale mutalime, mu ka feleleza Majuda cwale. Mupolofita u libona li si ka ezahala kale. Ye isali myaha ye mwanda, mwendi ki myaha ye mianda ye eiti, kutaha kwa Mulena ku si ka ba kale, mi ne ku polofitilwe ka mupolofita. Cwale muteeleze ka tokomelo halunze lu bala.

*Ki ha huweleza mwa lizebe za ka ka linzwi le lituna, ali, Mu suteleze baba na ni mata a kusinya munzi, mi mutu kaufela yana ni silemano sa ku bulaisa, kamba a swale silwaniso mwa lizoho la hae.*

182 Cwale mutalime ka tokomelo cwale halunze lu bala.

*Mi, na bona, kutaha baana ba ba sikisi bataha ka . . . nzila ya munyako wa kwa halimu, kwa neku la mutulo, mutu ni mutu usweli sibulaiso mwa lizoho la hae; mi mwahala bona nekuna ni muuna ya apezi liapalo zesweu za line, ana ni lunaka lwa muñoli lwa enge lwa itamile mwa teka: mi ba kena . . . ba yema fapila, aletare ya kopa.*

*Mi kanya ya Mulena Mulimu wa Isilaele ya zwa fapila kerubimi, mo ne inzi, ya yo yema fa libala la munyako wa ndu. Mi abiza muuna ya apezi za line, ya na ni lunaka lwa muñoli lwa enge lo lu tamilwe mwa teka ya hae; (amuteeleze)*

*Mi MULENA ali ku yena, Fita mwahala munzi, fahali a Jerusalema, (kuliba kwa Jerusalema), mi u swaye liswayo fa pata a batu kaufela ba ba tonga, ni ba ba lila . . . kabakala . . . bumaswe kaufela bo bu . . . eziwa mwa munzi.*

*Mi cwale bulelela ba bañwi inze ni ikutwela, Mu . . . kene mwa munzi mwa mulaho wa hae, mu ba bulaye: mi meto a mina asike a ba katwa niheba mina mu si ke mwa shwela . . . makeke:*

*Mu bulaye mufeze mucembele, ni mucaha, . . . ni kalibe ni bana ba banyinyani, ni basali: kono mu si ke mwa sutelela ya swailwe . . . liswayo; mu kalele mwa sibaka se si kenile. Mi . . . ki ha bakala kubulaya baana ba bahulu ba ba ne bainzi fapila ndu.*

183 Cwale mutalime mupolofita mwa Moya, ha ngelwa mwa Kanya. Mulimu naize, “Ni ka kubonisa mo Ni ka li feleza ni Majuda, ni si ka taha kale ku Bamacaba.” Mubale timana, kamba kauhanyo fapila yona. Cwale, ha na tile kwani, ki hali, “Ni boni . . .” Pili, na boni sibi mwa munzi, sa na si ka bona kale fateni, mi abona Jerusalema. Cwale muhupule, ne li lukiselizwe fela kwa Majuda, isiñi ku Bamacaba; neli Majuda, ni nkambe yabona Jerusalema. Kuswana fela sina maabani busihu, ne luna ni zona kulibana fela i Baipanguli; cwale, busihu bo, ki kwa Majuda. Ki hali, “Fita mwahala munzi.” Ki ha kutaha baana bene ba sweli lilwaniso za kubulaisa mwa mazoho, ba kena ku yo bulaya mutu ni mutu mwa munzi. Ki hali, “Cwale libelela fela, fa muzuzu.”

184 Mi kuzwa mwani kwa taha Muuna ya apezi ze sweu. Halu yemeñi fa muzuzu. “Ya apezi ze sweu,” kuluka, kukena. “Ya apezi ze sweu,” Yana itamile lunaka lwa muñoli lwa enge mwa

teka ya Hae. Ki hali, “Fita mwa munzi pili, ba si ka taha kale, ni kubeya liswayo fa pata, liswayo fa pata ya muuna kaufela, musali, mushimani, ni musizana, mwa munzi, ya tonga ni kulila bakeñisa bumaswe bo bu ezwa mwa munzi, kabakala sibi sa sicaba.” U beye liswayo fahalimwa bona!

<sup>185</sup> Mi cwale, kasamulaho Amano fita ni ku yo swaya, A yo kuta ni kubulela kuli, “Ku petahalile.”

<sup>186</sup> Mi ki Ha luma baana, ali, “Amuzwele teñi, mi musike mwa katwa sika, kono mu bulaye mu sinye lika kaufela ya si na liswayo lani fa pata.”

<sup>187</sup> Talima fa, muzwale. Lunaka lwani ne si nto isili kwanda Moya o Kenile.

<sup>188</sup> Mi mulemuhe, haiba A taha mwa Jeffersonville, busihu bo, ku ba Branham Tabernacle, kamba tabernakele ifi kaufela mwa muleneñi, kamba keleke ifi kaufela, yoo Na ka beya liswayo, ya sepahala hahulu mi ya sepahala ka kuluka fapila Mulimu ya tota ni kulila, ni kulapela musihali ni busihu, bakeñisa sibi sa munzi?

<sup>189</sup> Ku kona kuba Cwani kwa bakutazi baba lumeleza bahame ba bona kuzwela fande mwa liapalo mwa liapalo za kutapela, ni ku otoloha mwa tuputula, ni ku zamaya zamaya kafa ni kafa mwa mikwakwa; ni kuopela mwa kwaya, ni kuipenta ni kueza sina bo Jezabele. Mi cwale... Baana kwande kwani, inge ba zuba, ni kunwa, ni kuzwelapili, ni kulaula, ni lika zeñwi kaufela! Mi ba eza inge kuli halina taba zeo; kuya kwa mukiti tuna omuñwi wa kucela makuhu, kamba kwa mukiti omuñwi kwani. Kuitulela kwa ndu la Bulaalu busihu ni kubuha televishini, kufita kuba mwa sebelezo ya litapelo. Mwa nako ya mbumbi, ba kwala keleke, ya lisebelezo. U kona kuswaya sikamañi?

<sup>190</sup> se lutokwa, busihu boo, ki buñata bwa evangeli kukutazwa kuli ikome Hollywood! Ni ancafazo ya mukwa wa kale, ye lumilwe ki Mulimu, baana ni basali baba kona ku kubama ka mañwele! Ni kutuhela ku swalana mwa mazoho kwa, ni kunanula mazoho, ni kufafaleza, ni kukolobeza pata kwapili, ni kwa mulaho, ni mikwa yeñwi kaufela yenyinyani ni milao. Ni kufita fa moya, o lobehile, o i shuwa, mo kuna ni sibi. Mukopanye zeo hamoho, ni kukala kulila sililo sa kale, sa mwa yomonca ay pepilwe. Amen. Wani kona mufuta o amuhelanga Moya o Kenile. Yeo ki niti.

<sup>191</sup> Hakuna taba kamba ki ba Methodist, Baptist, kamba ba Katolika, kamba kaufela seo bali sona! Ha ba fita fa katala fani ni kulila, musihali ni busihu, “O Mulena Mulimu, talima fa libi za munzi woo! Pilu yaka haikoni ku pumula! Hani koni kupumula, Mulena, kubona lika ze ha li ezahala. O Mulimu, eza nto yeñwi! Lu lumele ancafazo ya mufuta wa kale,” u mwa museto wa kuba ni Moya o Kenile fohe, muzwale! . . . ? . . .

<sup>192</sup> Kono haiba uya kwani kakuli u tulezi mwahalimu ni fafasi, kamba kakuli u binile ka lipina, kamba u ezize nto yeñwi fela; ni

kuzamaya kwa ni kwa ni kufilikana, mane ni ku sa iseza ngana kwa lika, ni kuminyuna milomo, ni kuomana, ni kuikopanya kwa keleke, ni kutula kuzwa mwa sibaka ni sibaka; si bonisa kuli hauna sika tenyene kuzwa kwa simuluho.

<sup>193</sup> Muzwale, wo, ki mulyani omunde o baba, kono u ka ku tusa. Yeo ki niti. Eeni, sha. U ka tu tusa, kusina neba alimuñwi ya fokola mwahala mina.

<sup>194</sup> Sina Mushe. Ni tabela kutalima mwa kaputumende ka mulyani wa hae, mina bo? Nana ni batu ba ba eza tu milioni kwani. Kikuli utabela kubona mwa putumende ya mulyani wa Mushe, za na nani? Ona baana bahulu bani kaufela, ni mianda anda ya limbututu ze nyinyani ze ne pepwa busihu ni busihu, ni batu ba lihole, ni sicaba se si kula. Mi cwale ha na tile, ka myaha ye mashumi amane, nekusina nihaiba alimuñwi—alimuñwi ya fokola mwahala bona. Kikuli mina madokota, babaliteni mo busihu cwana, hakuna ya tabela kutalima mwa mukotana wa milyani ya hae?

<sup>195</sup> Ha lu talimeñi mwateni mi lubone zeliteni mwateni. Cwale mutalime kwa mulaho. Lu ka lemuha. “Kina Mulena ya ku folisa.” Kona cwalo. “Amen.” Kona mo ne kuinezi. “Ki na Mulena ya ku folisa.” Lu bulele kuli ku kaba mbututu ya ka pepwa. “Kina Mulena ya ku folisa.” Una ni katabi. “Kina Mulena ya ku folisa.” Wani kona fela mulyani wa na file. Ki ona fela wa na tokwa. Ki ona fela wa na nani. Ki ona wa na mufile Mulimu.

Kakuli, kacenu, “Oh, ha lu lumeli ku Zeo. Batili, zeo . . .”

<sup>196</sup> Mulimu ha cinci. Ki ya swana. Haiba moya wo, o zwelapili cwalo sina mo ba ezeza batu kacenu, mwatasa libizo la Bukreste, ne li kulisa Mulimu Mwa mba kwa mulaho kwani, neli “maswabisa” kuli batu baeze cwalo, ki maswabisa ni kacenu. “Jesu Kreste wa swana maabani, kacenu, ni kuyakuile.” Oh, Ni ikutwa bulapeli.

<sup>197</sup> Mulemuhe, “Fita mo,” Na ize, “U ye mwa munzi mi U beye swayo ku baba tonga ni kulila bakeñisa zemaswe ze ezwa mwa munzi.” Mi cwale ki Hali, “Ha se U ezize cwalo,” A lukulula baana ba ba sweli lilwaniso za ku bulaisa, mi ba ya ku yo bulaya lika kaufela.

<sup>198</sup> Cwale, litaba za kale, fa nako nyana fela. Jesu natile ku nama; Mulimu, ya bonahalile mwa nama. “Mulimu nali ku Kreste, inza kutisana lipilu ni lifasi ku Yena.” Mi cwale ha Na tile mwa nama, Aya inza luta. Ba Mu biza kuli, “Baalezububi; mulauli.” Ba Mu seha, ka kupepwa kwa Hae, lika zeñwi kaufela; ba Mu hana, ba Mu leleka.

<sup>199</sup> Na ize, “Kaufela ya ka bulela kulwanisa Mwana mutu, uka swalelwa, kono yo kaufela ya ka bulela kulwanisa Moya o Kenile, ha na ku swalelwa, mwa lifasi le kamba lifasi lelitaha.”

200 A biza Majuda baba likani hamoho. Na si ka ya ku Bamacaba. Na ile kwa Majuda. Na lumezwi kwa Majuda; ne si lusika lwa Bamacaba. Kandela ya mafelelezo ne ituka mwa lusika lwa Sijuda, mi Aya kwateni. Mi nekuna ni batu baba likani bene ba Mu amuhezi, baba bizizwe.

201 Ona cwalo fela sina mo kuinezi kacenu. Inge fela Moya o Kenile mo u bulelela za Jesu Kreste, ku u biza cwale; kona ni Moya o Kenile mo u bulelela ku Jesu Kreste, wa biza, kacenu.

202 Ne ba lumela ku za buipiteli. Ne ba boni Mueteleli wa bona. Ne ba Mu talimela. Ne ba ziba kuli Nali yena Mulena wa bapolofita. Ne ba ziba sa Nali sona kaufela. Sa Na bulela, Mulimu na si paka ni kubulela kuli neli Niti. Ne ba ziba kuli nebana ni Niti. Ne ba ziba Yo ne ba lumela, mi ba zwelapili ni Jesu.

203 Mi ba Mu kokotela. Ki hali, “Ndate, ba swalele, mane ha ba zibi ze ba eza.”

204 Kono cwale Lizazi la Pentekota ha li tile, nekuna ni sikwata nyana sa batu bene ba lila, bene ba tonga ni kuzwelapili. “Mi cwale Lizazi la Pentekota ha li tile . . .”

205 Ka nako iliñwi fela kwa taha muprisita mwa nzila, ni sipongisi sa sinkwa, sa mulalelo, ali, “Amu labule lulimi lwa mina cwale, mi Ni ka nwa veine”? Ha ki bukuba ni boo! Kiyo mwa mukwakwa a taha mukutazi wa Baipanguli, mi ali, “Lu ka ba ni kamuhelo mwa kupano, ni kunga likweli ze silezi za kuhanisa”? Huh! Bukuba! “Ni ka ku fafaleza. Ni ka ku kolobeza. Ni ka kuisa neku *le*, ni kukenye mwa keleke, ni kufe kamuhelo mwa puteho”? Bukuba!

206 “Kono cwale Lizazi la Pentekota ha li tile, ka nako iliñwi fela kwa Lihalimu kwa utwahala moya sina wa liñungwa le lituna, mi Wa tala ndu kaufela mo ne bainzi. Malimi a kauhani aina fahalimwa bona, inge mulilo.” Ba kala ku yabana, ni kuyambutuka, ni kutubula nakambuti, ni kusahaka mati, ni zeñwi cwalo.

207 Mu li, “Batili!” Ni ka mi bonisa zona ka Bibebe. Eeni, sha. “U talusa ni ku bulela kuli sani kona sene ba ezize?” Sani kona se ibulezi Bibebe.

208 Kana mwa ziba kuli Isaya na polofitile? Halu boneñi ni mi balele nto yeñwi kuzwa ku Isaya fa, fa muzuzu fela. Isaya, kauhanyo ya 28, ni kukalela fa timana ya 8.

*Kakuli litafule kaufela litezi fela mataza . . . (kubulela ka lizazi le) . . . ni masila, ili kuli hakuna sibaka se si kenile. (Muzwale, haiba sani ne si siswaniso sa Majuda!)*

*Ki mañi yo aka luta butali? mi ki mañi ya ka utwiseza tuto? (lu bulela ka za Tuto, busihu boo) . . . u ka luta bana ba ba sa zo kwiswa, kamba ba ba umuzwi kwa mazwele.*

*Kakuli ki mulao fahalimwa omuñwi mulao, mulao fahalimwa omuñwi mulao; taelo fahalimwa yeñwi taelo, taelo fahalimwa yeñwi taelo; . . . (kona mo itahezi Evangeli cwalo, kuzwa Genese kuya kwa Sinulo!)*

*Kakuli uka luta sicaba se ka milomo ya ba silimi ni ka puo ya ba sili.*

*. . . ka sona se mu ka fumana ku pumula, yona kozo ye Ni ize ina ni kutaha. Mi ka se kaufela ne ba si ka utwa, kono ba ikela kusili, inge ba sisinya litho.*

<sup>209</sup> Ki fo he cwale. Kona sa Na bulezi. Leo ha ki linzwi la ka; leo ki Linzwi la Hae. Mu Li cince, haiba mukona. Ha likoni ku cinciwa. Na ize, “Mulao fahalimwa omuñwi mulao; taelo fahalimwa yeñwi taelo; fa hanyinyani ni fani hanyinyani.” Evangeli ka kutala i swanela ku shaelwa.

<sup>210</sup> Evangeli yetezi ilukela kukalisa fa, mi ne ba I kutalize. Mi ba si no eza cwalo, Mata a Moya o Kenile ataha.

<sup>211</sup> Mi Majuda bani ne ba mu seha Jesu, kono ba seha, bali, “Ha-ha-ha! Batu ba ba kolilwe veine yenca.” Ba kwahela bukamusu bwa bona bwa Kuyakuile. Se bali, “Kiñi ha lu ba utwa ka mushobo waluna ni lulimi lwa luna, misebezi yeminde ye ba sweli kubulela? Kiñi, baana ba kozwi veine yenca. Ha-ha!” Ba soma ni kuseha.

<sup>212</sup> Mi Pitrosi, yena mupikuluhi yomunyinyani ya kenile yani, mukutazi ya kwana fa kakwakwati a mulola, ba mutomela ka kwakwati ka mulola, mi ha tulela fateni. Ali, “Mina baana ba Judaea, ni mina baba yahile mwa Jerusalema, taba ye i zibahale ku mina, mi muteeleze linzwi laka. Kono se ki—se ki sona se ne si bulezwi ki mupolofita Joele. Baana ba ha ba si ka kolwa veine yenca, sina mo mu hupulela, kakuli ki hola ya bulalu mwa musihali. Kono se ki Sani.” Na supelize kwa Bibe. Ni bulezi hañata kuli, “Haiba se ha ki Sani, Ni ka buluka fela se kufitela Sani si taha, haiba kuna ni se si shutana.” Kiniti. Ali, “Se kona sene si bulezwi ki mupolofita Joele. Ku ka ezahala mwa mazazi a maungulo,” myaha ye likiti zepeli yefitile.

<sup>213</sup> Likiti zepeli za makalelo, ne li bulaile lifasi ka mezi. Likiti zepeli za bubeli, Krete ataha. Mwa lilimo ze likiti zepeli za mafelelezo, “Ni ka sulula Moya wa Ka.” Haleluya! Isiñi kuli “Ni ka luta bakutazi babañwi ni kuluma baprisita.”

<sup>214</sup> “Kono Ni ka sulula Moya wa Ka kuzwa kwa Lihalimu; bana ba mina ba bashimani ni basizana ba ka polofita; fa batanga ba Ka babasali ni batanga ba basali ni batanga ba baana Ni ka sulula Moya wa Ka, mi ba ka polofita. Ni ka bonisa lisupo mwa lihalimu, mi ni mwa fafasi.” Kona mo ne kuinezi. Kwani neli kona ku kakulwa.

<sup>215</sup> Mi Majuda bani ba seha ni ku bona bukuba, mi bali, “Ba kozwi veine yenca.” Zani za kwahela bukamusu bwa bona.

216 Ka A.D. 96, kutaha kwa Titus, kuzwa kwa siemba sani, Jerusalem na potolohilwe ki limpi. Mi mwa ziba sene si ezahalile? Majuda bani bali, “Cwale lu ka kutela kwa ndu ya Mulena.”

217 Kono bani bene ba lemuswa ni kutazwa ka Moya o Kenile . . .

218 Sina Josephus hana ize, “Batu ba mufuta wa bo muca-batu wani, mubile mu ca mubili wo wa Jesu wa Nazareta.” Ali, “Ne ba patile mubili wa Hae, mi ne ba sweli ku uca.” Ne ba sweli kuca mulalelo. Aba bulela kuli bona, bani ona sikwata sani kwa mulaho kwani, “Bani baba salumeli ka swanelo.”

219 Kana mwa ziba sicaba sani kwa mulaho kwani ne si bizwa kuli “mukeluhi wa tumelo”? Mwa ziba cwalo? Mwa ziba seo *mukeluhi* ali sona? Ki mutu ya “lyangani.” Ehe. Mutalime Muhalalehi Paulusi.

220 Cwale, mina sicaba, mina—mina ba Baptist mutabela kubulela kuli, “Muhalalehi Paulusi, oh, Na mu lumela.” Mina ba Katolika muli, “Oh, Muhalalehi Paulusi,” ni kutubeta mautu amabeli kamba amalalu a hae, ona libupiwa zani kwani kwa Rome. “Muhalalehi Paulusi! Eeni, sha!”

221 Mutalime sa na bulezi Muhalalehi Paulusi ha nali fapila Agripa. Ki hali, “Ka nzila ye ba biza kuli tuto ye keluhile,” mupikuluhu ya kenile, “kona mo Ni kubamela Mulimu.” Amen.

222 Ne ni ka tabela kuswalisana ni yena; Ne ni ka li, “Ni lumela zeswana, Paulusi! Haleluya! Eeni, sha, ki nto yeswana! Myaha ye mianda ye naintini i fitile, Paulusi. Ni sa lumela nto yeswana!” Niteñi ni sa na ni Moya o Kenile; lisupo ze swana, ze komokisa ze swana, lika kaufela ka kuswana fela; li sa zwelapili, Moya o Kenile oswana, ku swaiwa kufitela (lili?) lizazi la kuliululwa.

223 “Evangeli ye ika kutazwa . . .” Sikamañi? “Evangeli!” Evangeli ki sikamañi? Isiñi “Linzwi fela cwale.” Paulusi naize, “Evangeli ha i si ka taha ku luna, ka Linzwi fela, kono ki ka Mata ni ponahazo ya Moya o Kenile ha itahile Evangeli.”

224 Paulusi naize, “Na li kuba ni tahe ni tuto yeñwi ya za bulapeli, kutaha ku to bulela manzwi amatuna a ipitezi, kuli piliso ya mina isike ya itingeta fa manzwi a sina tuso a buitumbaeti, ni lituto zeñwi za moya kamba tumelo ya ba apositola, kamba nto yeñwi yecwalo. Ha ni si ka taha ku mina ka mufuta o cwalo. Kono Ni tile ku mina ka kuziba fela nto iliñwi, ili Mata a zuho ya Jesu Kreste, ni ponahazo ya Moya o Kenile.” Haleluya! Mulimu alufe bo Paulusi babañata babasike ba bika liñindi, kono ku Li beya kwande kwani . . .? . . .kusina masila atiniwa mwa mazoho. Amen. Liswayo la Mulimu! Amen.

225 Cwale, luna ni nako yekuma kai? Yeñata, nji cwani. [Kopano ili, “Amen.”—Mu.] Kona mo ne Ni hupulela. Ku lukile. Kamuso ki la Pelekelo, hakuna wamina ya beleka. Ku lukile. Ku lukile. Muhupule, fela ki—ki mizuzu yelikani fela.

<sup>226</sup> Mulapele! Mulemuhe, muzwale, ye ki nako ye sepahala. Ye kona nako ye lu lukela kuba ni kuitatuba. Hani yemi fa inge ka kueza fela lisheha. Haiba Ne ni kaeza cwalo, Ne ni kaya kwa aletare ni kubaka. Na kona kueza inge ya sehisa ku mina babañwi, kono ha Ni talusi kuba cwalo. Ni eza inge ya lyangani nyana, fa ni fa; Hakuna mo ni kona kuezeza. Sesiñwi si taha kuna, se si ni ezisa lika zeo, kacwalo Hakuna ni kona kuezeza. Kono mwa pilu yaka, muzwale, Na Li lumela ka pilu yaka kaufela. Ka myaha ye mashumi amabeli ni yemiñwi fahalimu yeipitezi Ni kutalize Taba ye fa katala fa, kupotoloha lifasi, mi Mulimu u Li pakile ka lisupo ni ze komokisa. Amen. “Jesu Kreste wa swana maabani, kacenu, ni kuyakuile.” Eeni.

<sup>227</sup> Cwale ki Hali, “Ubone kuli baba na ni lilwaniso ba tahe kwapili.” Ba hanile ku amuhela liswayo. Mi ki Ha ya cwalo, mi Titus a kwahela mamota a Jerusalema, mi ba matela mwa munzi; ba ba inisa ni tala mwani, kufitela ba apeha bana ba bona ni kuicela. Ba ca makwati a likota, bucwani bwa mwa naheñi. Mi cwale kuba mafelelezo ba itoboha. . . Titus, ha keni mwa Jerusalema, a yo sinyaha lika kaufela mwateni, a bulaya basali, bana, limbututu, baprisita, lika zeñwi kaufela, mi ba cisa muleneñi.

<sup>228</sup> Mi Jesu ali, “Ku ka taha nako fo kusike kwa siyala nihaiba licwe fahalimwa leliñwi.”

<sup>229</sup> Ali, “Talima muyaho wa luna o mutuna. Muzwale, luna lu ba Baptist, kamba Methodist, kamba Mapentekota, kamba sikamañi kaufela.”

Ki hali, “Hakuna kuba nihaiba licwe lililiñwi le li ka siyala fahalimwa leliñwi.”

<sup>230</sup> Kubonisa kuli “Mulimu ha pili mwa mandu a ezizwe ka mazoho.” Mulimu upila mwa lipilu za batu. “Kakuli Wena u Ni lukiselize kale mubili.” Moya o Kenile ha u pili mwa ndu. U pila mwa pilu. Yeo kona tempele. “Kana ha mu zibi kuli mu litempele za Mulimu yapila?” Amen. Ha uyaha tempele, kuyaha keleke, tumelo ya hao kaufela i yahilwwe fa tempele ya hao kamba keleke ya hao, kalimu ka likota, u amuhela nombolo ya sibatana mi ha u zibi cwalo. Yeo ki niti. Inge u ikasanela ni kusinya nako ya hao, bakutazi, kuli mutuse likopano za mina, ni kuya fela kuliba handende kwa lihele kapili mo ba kona kuyela.

<sup>231</sup> Na mi bulelela, muzwale, seli nako yakuli baana ba zuhe ni ku kutaza Evangeli ka Mata a Moya o Kenile, fani kai ni kai, halu bizezeñi Methodist, Baptist, Presbyterian, Katolika, ni bao kaufela, kwa sifapahano sa Jesu Kreste.

<sup>232</sup> Cwale, mu li, mulisana wa mucembele na lwezi linosi, a li lamba fa linwe. Mi ngu yekula ha ne ilwaza fateni, ya fola.

<sup>233</sup> Muzwale, Nina ni mukotana otezi wa zona fa, busihu cwana. M Ni ka ubeya fa Licwe, Kreste Jesu, mi lingu ze kula li ka li lwaza ni kuba hande. Yeo ki niti. Muzwale, teezeza, hanina ku



li beya fa keleke ifi kaufela. Ha ki za keleke ifi kaufela. Ki za Kreste. Yeo luli ki niti.

<sup>234</sup> Sihalihali! “Oh, eeni, lwa lumela ku Kreste.” Misebezi ya hao ipaka so lumela.

<sup>235</sup> Jesu naize, “Lisupo ze,” kwatени, l-i-k-a, “li ka latelela baba lumela, kuisa kwa mafelelezo a lifasi. Mi ka Libizo la Ka ba ka leleka mioya ye maswe, ba ka bulela ka malimi asili; haiba ba ka swala noha, kamba kunwa sifanu, halina ku ba tiseza kozi. Ha ba ka beya mazoho a bona fa bakuli, bao ba ka foliswa.” Sani kona sa na bulezi Jesu. Ani kona Manzwi a mafelelezo na zwile mwa milomo ya Hae. Mi A ngelwa kwa Lihalimu.

<sup>236</sup> Mi batu babaya cwalo, ba lumela ni ku kutaza Foliso ya Bumulimu, ni mata a Mulimu, lifasi li ba biza kuli “bukuba.” Mi Bibelee iize, “Haiba ba biza Muña ndu kuli ‘Baalezebubi,’ kana ba ka ba biza cwani, balutiwa ba Hae?”

<sup>237</sup> Banyazizwe, ki bani ba lobezi kwani, kaufela ba shwa ona cwalo. Kono Josephus naize, “Batu bani bene ba . . .bani—bani Bakreste ba mifuta yani, a zwa kwa Jerusalema kuya kwa Judea, ni kusaba buhali bwani kaufela.” Cwale bani neli Majuda, kufela kwa Majuda.

<sup>238</sup> Kapili cwale, ka mizuzu yelikani yetatama, ha lu fezeñi Bamacaba, kapili fela. Ha lu apuleñi mwa Sinulo kauhanyo ya 7, mo lu ka felela mwa lusika lwa Bamacaba. Lubone haiba si lukile kamba nee. Fani kona fana mupolofita wa Ezekiele 9 ha na polofitile kufela kwa lusika *lwani*; cwale ki wo fa Moya o Kenile o polofita mafelelezo a lusika *loo*. Muteeleze hande cwale hanze Ni bala ka tokomelo.

*Mi hakufelile litaba zeo . . .*

<sup>239</sup> Sinulo 7 cwale, “Hakufelile litaba ze Na bona mangeloi amane . . .” Bani neli bapahami ba lipizi bene baile, mwa kauhanyo ya 6, ni mo ne ba yezi cwalo; pizi ye seta, ni pizi yensu, ni pizi ye soto, ni zeñwi cwalo, zeo, bapahami bani ne ba pahami mwa naha fa nako yetelele.

*. . .Na bona mangeloi amane ayemi mwa maneku amane a lifasi, inge asweli mioya yemine . . .kuli isike ya fuka mwa lifasi, kamba mwa liwate, kamba mwa kota kaufela.*

<sup>240</sup> Cwale mutalime pono ya na boni pili. “Na bona mangeloi amane ayemi mwa maneku amane,” libaka zene mwahala lifasi, lingeloi, inge lisweli mioya yemine. *Mangeloi* ki “balumiwa.” Bibelee ibulezi ona cwalo. Mi *mioya* ki “lindwa ni mikwanganakanyi.” Na sweli mioya yemine, fa, . . .? . . .Cwale amutalime, timana ya 2.

*Mi Na bona lingeloi leliñwi le li kambama kwa upa, lisweli (n-o-m-b-o-l-o, ya musebezi o felile, ka manzwi amañwi). . .lina ni liswayo la Mulimu yapila: mi la*

*huweleza ka linzwi lelituna kwa . . . mangeloi, . . . lene li filwe ku holofaza lifasi ni liwate,*

*Kuli, Musike mwa sinye lifasi, ni liwate, kamba . . . likota, ku fitela ha lu swaile batanga ba Mulimu mwa lipata zabona.*

241 Mutalime, Ni ka bala kushetumuka.

*Mi Na utwa palo ya . . . baba swailwe: mi kwa swaiwa ba—ba . . . a swaya ba handeleti ni fote fo sauzande ba . . . ba lusika lwa—lwa . . . ba lusika lwa bana ba Isilaele.*

242 “Mwa lusika lwa Juda, twelufu . . .” ni kushetumuka cwalo, ni “Benjamine,” ni “Gadi,” ni “Rubeni,” kutaha cwalo ku “Zabuloni,” ni kutaha cwalo ni kwa masika a twelufu, kwa mafelelezo a timana ya 8. Mi twelufu ha i alulwa ka twelufu ki bukai? [Kopano ili, “Ki handeleti ni fote-foo.”—Mu.] Ki handeleti ni fote-foo. “Ba handeleti ni fote-foo sauzande,” kaufela ki Majuda. Cwale, mutalime.

*Mi zeo ha lifelile Na bona, mi na bona, buñata bobutuna, ku si na ya kona ku ba bala, macaba, mishobo, ni masika, . . .*

243 Ne ba zwelela kai? Mwa bona, lubona koo Majuda bani ba felela; mi cwale mangeloi ha na filwe kuya ku yo bulaya, ibulezi fa, abona ni “ku utwa.” Kono cwale bao ba zwile kai, mwahala mishobo kaufela, mishobo, ni masika. Ne ba bonahalile mwa sibaka.

*. . . ni macaba, ni mishobo, ne ba yemi fapila Ngunyana, ba yemi fapila . . . ba apezi . . . ku Ngunyana, ba apezi liapalo zesweu, basweli nzalu mwa mazoho abona;*

244 Munyaliwa, Munyaliwa wa Bamacaba na swailwe fa. Mutalime.

*Mi ba huwa ka linzwi lelituna, bali, Kupilisa ki kwa Mulimu wa luna yainzi fa lubona, ni kwa Ngunyana.*

*Mi—mi . . . mangeloi na yemi bukafu ni lubona, . . . babahulu, . . . libupiwa zene, . . . ba wa ka lipata fapila lubona, mi ba lapela Mulimu,*

*Bali, . . . (Amuteezeze, haiba wo ha u utwahali sina mukopano wa Moya o Kenile!) Ki- . . . Limbuyoti, amen, kanya, . . . butali, . . . buitumelo, . . . likute, . . . bulena, . . . libe ku Mulimu waluna kamita ni mita. Amen.*

245 Seo ha si utwahali sina sebelezo mufuta wa skupasa mwa koleji, ku na. Seo si utwahala inge mufuta wa kale, Moya o Kenile o suluhela, ku na. Sicaba sani ne sili kusili; ba ziba sa kuezwa ha ba bona Ngunyana inzi fa Lubona.

*Cwale alimuñwi wa ba bahulu...ali ku na, Ba ki bomañi...ba apezi ze sweu? mi bazwa kai?*

246 Cwale mwa ziba Majuda kaufela, kono kana bao ba zwile kai, “mishobo kaufela, malimi, ni macaba”? Mutokomele.

*Mi Na li ku yena, Muñaka, ku ziba wena. (Joani ali, “Ha ni zibi fela.”) Mi ki hali ku na, . . .*

247 Ba ki bona bene bana ni Sani, Na sepa. Ku lukile.

*. . .Ba ki bona baba zwile mwa nyandiso yetuna, (baba bizwa “mupikuluhu ya kenile,” ba ba sehiwa, kunyandiswa, kusehiwa) . . .ba zwile mwa nyandiso yetuna, mi ba tapisize liapalo za bona, mi ba li kenisize kuba ze sweu mwa mali a Ngunyana. (Mutalime!)*

*. . . bainzi fapila lubona lwa Mulimu, . . .*

248 Kana musala ka uinezi kai? Kana mulena wa musali u ka ina kai? Yani ki Munyaliwa, yena Munyaliwa wa Bamacaba.

*. . .mi ba mu sebeleza musihali ni busihu mwa tempele: . . .*

249 Musala ka u ni sebeleza kwa ndu, musihali ni busihu. Mwabona? Yani ki Munyaliwa wa Jesu; yani ki Munyaliwa wa Bamacaba.

*. . .mi baba inzi fa lubona ba ka pila mwahala bona.*

*Habasana kulapa ni kamuta, . . .*

250 Haleluya! Mazazi a musebezi afelile. Kihande, lu tondile lico zeñata, kono halusana ku timiwa sico Kwani. Amen.

251 Na ziba boma, ba babotana, ba kale baba inzi mo busihu cwana. Mi Ni ba boni ba nanuha fa tafule. Ne lubanga ni kofi ni sinkwa se si shashize. Ne ba selanga fateni, kubeya fateni shuka. Mi nekusina yeñata libaka kwa kuya; banana ne ba lila, ni kunanuha ni kuzwa kuikela. Kono haluna kueza cwalo Kafani! Bo ndate fa mazoho aka, fa mukwakwa, mwabuse, mi ba shwa, ni tala.

252 Kono haluna kueza sani hape. Haleluya! Batili, sha. Hakusana kuba ni tala.

*Habasana kulapa ni kamuta, kamba kuba ni linyolwa . . .kamba nihaiba kubabulwa ki lizazi, . . .*

*Kakuli Ngunyana ye li mwahala lubona uka ba fepa, mi ba ka ba zamaisa mwa maweluwelu a mezi: mi Mulimu uka takula . . .mioko yabona kaufela kwa meeto a bona.*

253 Bakona kulila nyana ni kuzwelapili cwalo, Moya o Kenile ha u to taha. Kono Mulimu uka takula miyoko kaufela kwa meeto a mina.

254 Mutalime, na boni “mangeloi amane ayemi kwa maneku amane, inza sweli mioya yemine.” Kapili cwale. Nako yaka

ifelile, kono haluboneñi ni mi balele taba ye, lu si ka kwala kale. Mutalime, na boni mangeloi amane. Na boni kukwala kwa keleke ya Majuda, mwa na a bonezi a taha ka nzila yeswana; ataha ni libulaiso za hae, yona mpi yani.

<sup>255</sup> Cwale mutalime. Ki nombolo ya mufuta mañi yene i amuhezi Keleke ya Moya o Kenile, kuba nombolo fa lipata za bona? Ne li sisupo sa moya. Moya o Kenile no ba beile swayo. Kana ki niti yeo? Na si ka ba paza fa lipata zabona nji Cwani? Batili.

<sup>256</sup> Ne ba nyaziwi ki naha yeñwi ye lwanisa za bulapeli. Ne ba nyaziwa ki za bona fela. Mwabona se Ni talusa? Keleke ya niti ya Mulimu ya pila ika atulwa ki ba Katolika ni Baipanguli, kakuli baka kopana hamoho. Bainzi kale hamoho sina nto iliñwi, sina me ni mwana musizana.

<sup>257</sup> Kono ba, *fa*, ne ba si cwalo. Mi, mutalime sa Na ezize. Na ize, “Mubeye nombolo fa lipata za bona.” Neli mufuta mañi wa liswayo? Ni ka mi balele yona, Likezo 2. “Kaufela bona nebali mwa sibaka silisiñwi ka pilu iliñwi. Mi ka nako iliñwi fela kwa utwahala muhuwo, Lingeloi la zwa kwa Lihalimu.”

U li, “Lingeloi neli mulumo?”

<sup>258</sup> Neli sikamañi sani, sene si zamaile fapila Davida, nako ya utwa misindo ya ba ba kanta fa njongonjongo kwa matali ani, a likota za maluberi, busihu bwani ha na saba kuzwelapili? “Ba utwa mulumo o zwa kwa Lihalimu inge moya wa liñungwa,” Mulimu inza ba zamaya kwapili.

<sup>259</sup> “Mi ka nako iliñwi fela kwa bonahala ku bona Moya o Kenile ni Mata.” Ki bao fande baya mwa mikwakwa, inge ba tulaka tulaka, ni kubulela ka malimi, ni milomo ya sikukuma, ni kuhuwaka, ni kuezwa inge baba kozwi, mi mutu ni mutu inza nyakalala ni kulumba Mulena Mulimu. Nji ha ki cwalo?

<sup>260</sup> Cwalo kona mwa ezezanga Mulimu ha luma Mata a Hae fafasi ka kolobezo ya Moya o Kenile. Mi Wa kena mwahali mwani, mi ona fani kwa utwahala Liñusa! Haleluya! Mi ba huwa ni kuhuwa, ni kubulela ka malimi, ni kuzwela kwande kwani. Mi yani neli swayo yeo Mulimu na beile fa sicaba. Kana ku cwalo? Mulimu na beile swayo, mi wani kona mufuta wa swayo yeo Mulimu a ka beya fa sicaba sa Hae kacenu. Liswayo le li swana la Mulimu lene li zamaile ni bona kwani, mwatasa kolobezo ya Moya o Kenile, neli liswayo la Mulimu.

<sup>261</sup> Ni bata ku mi buza nto yeñwi, keleke. Biblele ibulela kuli swayo ya Mulimu, mwa lizazi lani, neli kolobezo ya Moya o Kenile. Liswayo lene lili fa sicaba, kuli babe ba ba shutani ku babañwi, neli kolobezo ya Moya o Kenile. Ki niti yeo? Testamente ye Nca iize, mwa Maefese 4:30, kuli Moya o Kenile kona liswayo la Mulimu, kwa sicaba mwa mazazi a maungulo, kwa bukamusu bwa Kuyakuile. Ki niti yeo? Konakuli Moya o Kenile no lukile.

262 Cwale, neluna ni lusika lwa ba Methodist, neluna ni lusika lwa Baptist, neluna ni lwa ba kuluka, neluna ni kukeniswa. Ne luna ni lika ze kaufela, ze ne taha cwalo.

263 Mi ka myaha ye mashumi amane kwa mulaho, kolobezo ya Moya o Kenile ne i lutilwe lwapili mwa United States. Ki niti yeo? Mwendu myaha ye mashumi amane kwa mulaho, batu ha ba kala kuamuhela . . .

264 Cwale, neba li biza kuli ki musebezi wa butokwa wa sishemo, kukeniswa. “Kukeniswa,” ki niti.

265 Tubana i swanela pili kubeiwa hande, ku beiwa hande. Kaufela litezi fela sileze. Ku lukile, kakuli mu—mu mutu u i nopile.

266 Taba yetatama, ina ni kuba—kuba nto ye kenile ni ku kubuliwa. Linzwi lelili *kukeniswa* litalusa “kukena, ni kubeiwa kwatuko kwa sebelezo.” Kono “kubeiwa kwatuko *kwa* sebelezo” ha ku talusi kuli mu *mwa* sebelezo.

267 Mi cwale Jesu ali, “Mbuyoti ki ya mina ha mu na ni tala ni linyolwa la kuluka, kakuli mu ka kuliswa.” Mwabona, Moya o Kenile wa taha fahalimwa baba kenisizwe, ba niti, baba kenisizwe, balumeli. Mi lisupo ni ze komokisa za kala kubonahala kapili fela tubana yani i sa keniswa fela, mi Moya o Kenile wa kena mwatani. Mwabona se Ni talusa?

268 Haukoni kusela oli ya botela yani konji haiba kuna ni oli mwatani, hakuna taba kamba botela ikenile cwani. Hamukoni kutisa za kubulela ka malimi, ni foliso ya Bumulumu, ni Mata a Mulimu, kuzwa ku sesiñwi se si sina sika ku sona. Moya o Kenile no na ni kutiswa, kanti.

269 Mutalime, mwendi seli myaha ye mashumi amane kwa mulaho. . . Halu nahaneñi kwa mulaho. Lwa talima, kafa ni kafa. . . Mutalime hande. Nekuna ni mubusisi yomotuna ya na ile, Ndwa Yapili ya Lifasi; nako yapili mwa litaba za kale za lifasi, ndwa ya lifasi. Na kalezi kai? Kukena koo kwa Germany. Ki sikamañi sene si ezahalile? Ki nto yenca, hakuna ya ziba, kufitela lizazi le, mo ne si yemezi. Hakuna ya ziba. Mubale *The Decline Of The World War*. Buka kaufela kuzona, Ni i balile. Hakuna mutu ni yomukana. . . Nto fela ye ba ziba, nekutile taelo ye ne utwahalile, “Kihona!” Hakuna ya ziba ya na ifile. Kiñi?

270 O Mulimu! Mu ka ni biza kuli “mupikuluhi ya kenile,” nihakuli cwalo, kacwalo Ni kona kueza kuya ka maikuto aka hande. Talima! Mo Ni bezi ya itumela ka Moya o Kenile fa kuba mo katala fa, ku to patulula.

271 Mulemuhe. Mutalime. Ne ba ile, moya kaufela ne utaha kwa lifasi, lilwaniso za cwale, ku yo sinyeleza lika kaufela mwa lifasi la ndwa. Kono, hañi hañi fela, ya tuhela. Sinulo kauhanyo ya 7, ili, “Na bona mangeloi amane a tuluka ni lilwaniso za kubulaisa.

Mi kwa taha Muuna yana zwa kwa upa, yana sweli liswayo la Mulimu yapila; ali, “Swala mioya yemine.”

<sup>272</sup> “Swala zeo,” kiñi? Majuda ha ba yo mwa sibaka se si swanela pili. Kanya! Majuda ha ba yo mwa sibaka se si lukela, sina Mulimu mwa na sepiselize. Na ba bulelezi kone ba ka yo ba, ku yema kwani. Na ize, “Ha mu ka bona kota ya feiga itubula mitai, muzibe kuli nako i fa kaufi.” Mi cwale ha mubona Majuda ba kutela kwa Palestine, muzibe kuli nako i fa kaufi. “Lusika lo haluna kufela konji lika kaufela li talelezwe.” Mi, muzwale, mwa lilimo ze sebene za mafelelezo kona nako yapili yeo ndembela ya Sijuda ikile ya fufiswa fateni, mwa myaha ye likiti zepeli, fahalimwa Jerusalema; eeni, myaha ye mianda ye twenti-faifi. Amen. Majuda ne ba si ka kena mo ne li ka ezahalela, kono Na ize, “Libelela! Libelela!”

<sup>273</sup> Kiñi, kiñi “libelela”? Mutalime, nekuna ni Bamacaba babañwi pili, mwahala lusika lwa Wesley ni lusika lwa Pentekota, be ne ba lukela kutaha mwateni. Mane Pentekota isika ya kale mwa Lusika lwa Keleke ya Laodesia, ne kuna ni “munyako o kwaluhile” ono tomilwe fapila keleke; sikwalo se si kwaluhile, kuli, “Yo kaufela ya ka mu lumeleza kunwa kwa Sibuba sa mezi a Bupilo kusina tifo.” Sikwalo se si kwaluhile, si tomilwe. Oh, mawi!

Mi ki Hali, “Libelela!” Kiñi?

<sup>274</sup> Jesu naize, “Muuna cwana nailo beleka. Mi muuna yomuñwi a zwela kwande, mwa hola yeñwi, mi a beleka. Muuna yomuñwi azwela kwande mi a beleka. Mi muuna yomuñwi a zwa ka hola ya ilebene. Mi ha yo tuhelela fa hola ya bu ilebene, afa mañi ni mañi kabelo ye likanelela ka hola ya bu ilebene.”

Ne ba komoka. “Kiñi ha na, amuhezi ba hola yabu ilebene, mañi ni mañi ataha?”

<sup>275</sup> Martin Luther ki yena ya na beleka yani, a zamaya mwa lusika lwa Luther, ni kushwela mwa sishemo! . . .? . . . babañwi, ba Methodist bene ba huwaka bene ba shwezi mwa lusika lwa Wesley, ba shwela mwa sishemo. Lu pila mwa lusika loluñwi, isiñi lwa kwa mulaho kwani. Kwanu! Boma ne ba zamaelanga mwa sikoci kala, mi luna lu zamaela mwa Ford ya mufuta wa V-8, mane inge ye zamaiswa ki jeti. Yeo ki niti. Lu pila mwa lusika lo lu shutana, kaufela. Mi lupila mwa kalulo ye shutana. Lu pila mwa lizazi la ku kutisezwa kwa Mata a Mulimu, mi ona fa mwabona Mata a Mulimu sina mo ne ba ezelize kwa simuluho. Lu pila mwa lusika loluñwi. Musike mwa talima kwa mulaho kwani ku Wesley, Methodist, ni bani kaufela, ba Baptist, ni Presbyterian. Mutalime kwanu ku Jesu Kreste, yena Mukalisi ni Mufezi wa Tumelo ya Bibe. Haleluya!

<sup>276</sup> Cwale amu Mu talime, ali, “Libelela pili,” kufitela (sikamañi?) sicaba sa hola ye bu ilebene si taha mwateni, pizo ya mafelelezo ya Bamacaba. Boma ne ba beleka *kwani*; bo ndate

ni babañwi ne ba beleka *kwanu*; bo kuku ba basali ne ba beleka kwa mulaho *kwani*. Lo ki lusika lwa luna, hola ya bu ilebene. Ndwa ya Lifasi yani ya tuhela ka kweli ya bu ilebene mwa silimo, lizazi labu ilebene kwa kweli, hola ya bu ilebene mwa musihali, mi muzuzu wa bu ilebene mwa hola; kuli sicaba sa hola ya bu ilebene sikone kukena mwateñi, (sikamañi?) ba amuhele kolobezo yeswana ya Moya o Kenile yene ba ezize kwa mulaho *kwanu* kwa simuluho, kuli ba kutise Mata ni zuho ya Mulena Jesu Kreste, lisupo zeswana ni ze komokisa.

<sup>277</sup> Ki sikamañi seo? Lindwa lisweli kuezahala *fa*, kuezahala *fani*, kuezahala *fa*, kuezahala *fani*, kulika ku... Mabomba a atomic ni lika zeñwi kaufela li lukisizwe, kono halikoni kueza cwalo. Habakoni kueza cwalo konji Majuda ba amuhela kupota kwa kolobezo ya Moya o Kenile. Lingeloi la li, “Swala, kufitela luswaya batanga,” isiñi Munyaliwa. Bamacaba ne ba si batanga; lu bana ba bashimani ni basizana. Bani ki batanga, ki Majuda. Abrahamama neli mutang’a Mulimu. Haleluya! Cwale, likitikiti ni likitikiti ni likitikiti za Majuda. Mulimu na tatafalize pilu ya Faro, kuli abaise kwa Palestine. Mulimu atatafa pilu ya Hitler, pilu ya Mussolini, pilu ya Stalin. U zamaisa ka kapelezo, kukena mwa Palestine, kusina kuziba sa sweli kueza, kanti usweli kubeleka mwa mazoho a Mulimu.

<sup>278</sup> Bona baba handeleti ni fote-foo sauzande bao ba ka yema kwani. Mi leliñwi la mazazi aa, mupolofita yomuñwi ya tozizwe, wa Bumulimu ya kenile, uka ya kwani ka lisupo ni ze komokisa. Majuda bani ba ka li, “Sani kona se Ni bata.” Eeni, sha. Mi Mulimu uka kolobeza baba handeleti ni fote-foo sauzande Majuda.

<sup>279</sup> Mi Kuungelwa ku ka taha; lusika lwa Bamacaba lu ka fela. Ndalamiti ya atomic ika panca ni miza lifasi. Mi Keleke ya Bamacaba ika ngelwa, ku yo yema Fapil’a Mulimu. “Ki bafi baba zwile mwa nyandiso yetuna baa? Ba ba tapisize liapalo za bona mwa Mali a Ngunyana. Ba fapila Mulimu, ba si na litiba.” Amen.

<sup>280</sup> Nombolo ya sibatana, tamahano; likeleke, Bukatolika, kaufela bona ba tamilwe hamoho, kukena mwa butata. Bo masiyaleti, Munyaliwa wa Moya o Kenile.

<sup>281</sup> Mi sicaba kacenu se si seha za kubulela ka malimi, ni kuseha foliso ya Bumulimu, baba seha bupolofita, baba seha kubonahala kwa Moya; ni moya o swana o no tezi mwa Majuda bani kwa mulaho kwanu, bene ba nyefauzi Moya o Kenile kwa mulaho kwani, ni kushwela mwatasa katulo ya Mulimu. United States ye i tamehile kuliba katulo ya Mulimu, mwatasa Mata a Moya o Kenile. Ba nyazizwe, ni ku sehiwa, ni ku haniwa, ni ku lu biza “bapikuluhi baba kenile” ni lika zeñwi kaufela. Kono hola ki ye fa, foo Mulimu ha ka sulula katulo ya Hae ya Bumulimu. Amen.

282 Amu itukise. [Hakuna manzwi fa tepu—Mu.] . . . ? . . . Sibaka fela sesi iketile ku zeliteñi kacenu si ku Krete Jesu. Mulimu ami fuyole. Haiba hamuyo mwahali, muitiise kufitela mukena. “Babali ku Krete Jesu Mulimu uka ba zusa hamoho ni Yena mwa Kutaha kwa bubeli.”

283 Kusina liswayo la Mulimu, ili yona kolobezo ya Moya o Kenile, tamahano ya ku kwenuhela tumelo kona nombolo ya sibatana. Seo luli ki SA BULELA MULENA KISONA. Mwabona se Ni talusa? Kono baluti ba bulapeli ba balika ku li beya mwa swalisano, kanti ha ba lemuhu kuli lisweli kubeleka mwahala bona. Na ize, “Ikaba baeteleli ba libofu baba zamaisa libofu.” Na ize, “Bakaba ni meto, kono habana kubona.” Ali, “Mina, mwa lizo za mina, mubulela tuto ya batu, kuluta batu litaelo za batu, kueza litaelo za Mulimu kuba ze tokwile mata.”

284 Mu ka seha ma Katolika ka kutisa katekisema kabona, mi baana ba mina ba ya kwa mukopano omuñwi kamba nto yeñwi, mi ba nahana haiba bakona kuamuhela foliso ya Bumulimu, kamba kolobezo ya Moya, ni lika ze. Mi ba Li nyaza ni ku Li hana. Mi mu sehile ba Katolika. Hamuna tukelo ya kuseha ba Katolika. Kakuli, haiba nali “LIHULE,” Bibebe ibulezi kuli u “LIHULE,” mwa tamahano yeswana.

285 “Amuzwe mwahala zona, sicaba sa Ka! Mu kauhane,” kubulela Mulimu, “mi Ni ka mi amuhela Na kasibili.” Yeo ki niti.

286 Oh, kiñi kanti ba Branham Tabernacle ha ba sa zwi mwa mañonde a luna? Ni bata kuziba haiba mina sicaba kwanu mu lumela Evangeli. Mi Li kotalizwe, mi mu Li boni, lisupo ni ze komokisa, ni kupakiwa. Mi lika kaufela za bulezi Mulena, li ezahalile. Mi, ki butata mañi mwahali mo, ha Ni utwa kuli kuna ni kangisano mwahala mina, ha Ni utwa kuli kuna ni lindwa? Ni bata kuli muñole butata bobuli ni mina, ze li mwa lipilu za mina, ni ku libeya fa katala fa, kamuso busihu.

287 Ni bata kubona libaka kekeke ye ha i sa zamaiswi ka Mata a Mulimu, ni kolobezo ya Moya o Kenile, ka lisupo ni ze komokisa. Ki butata mañi? Bo mulisana ba hao ba Li lumela. Mwa Li lumela. Kacwalo, ki sikamañi se si fosahalile fa? Kuna ni se si fosahalile. Ye i lukela kuba ndu ya liseli kwa lifasi. Se si lukela kuba sibaka ko Mata a Mulimu, ni kubokolola ni kulila, ni kubata Mulimu, li lukela ku ezahala, musihali ni busihu. Kiñi ha lu sina zona?

288 “Na lakaza, kono wena ha u tabeli,” kwa bulela Jesu. “Ha u tabeli. Tana u kele ku Na.”

289 “Na ziba mu li,” Na ize, “wena u ‘fumile, hakuna so tokwile,’” u ambola kwa likeleke. Ali, “U li, ‘Ni fumile, mi hakuna se Ni tokwa. Lu kopano yetuna.’ Mi ha u zibi, kono u mweela, u mubotana, u nyandile, u sibofu, u mapunu, bo ha u zibi.” Haiba mutu u mwa butata bwani mi wa ziba, uka kona kutuseha. Kono,



ha uli cwalo, “mi ha u zibi!” Mi Kreste na bulezi kuli likeleke mwa lizazi le likaba ona cwalo, mi ne ba sa zibi.

<sup>290</sup> Nyapa butu bwa hao bwa moya, muzwale waka yomunde, muzwale yomunde. Nyapa moyo wa haoi, kuya ka mo luka bulelela, ka tapelo, ni kubulela kuli, “Mulena Jesu, ni tatube. Lumeleza kuli ni itatube busihu boo, Ni si ka ya kale kwa kulobala, ni kufumana butata bwaka. Ni bile ni ipapata fa myaha, mi ha Ni boni lika ze za na bulezi Jesu. Kuli Ukaba ni na, mi lika ze lika zwelapili, Ha ni li boni. Ki butata mañi, Mulena Jesu?”

<sup>291</sup> Ba ya sepahala. Ube ya sepahala. Utahe u to ambola ni Yena, pata ni pata sina pata inge ya ambola ni muzwale. U ka ku patululela. Uka ku bulelela. U Pazula moyo wa hao fahali, ni ku u yala ona foo. Uli, “Mulena Jesu, haiba ne li ka ni tiseleza lubasi lwa ka, haiba ne li ka ni tiseleza bupilo bwa ka, haiba ne li ka ni tiseleza bu membala bwa ka, haiba li ka ni tiseleza mwa muleneñi, Ni ka ya ka nzila ni babanyinyani baba kendilwe ba Mulena.”

<sup>292</sup> Cwale muhupule, Jesu naize, “Munyako wa kumbana, ni nzila ki ye sisani, kono mane ki babanyinyani fela ba ba ka ifumana. Kakuli nzila yeya kwa sinyeho iatami.” Milioni hape ka '54, “Munyako o liba kwa sinyeho uatami, mi ki babañata baba ya ka ona.” Yeo ki niti. “Ya ka latehelwa ki bupilo bwa hae kabakala Ka uka bu fumana. Ya lata ndatahe, mahe, kezeli, muzwale, kamba sika kaufela, sesinde kufita Na, ha lukeli kubizwa wa Ka. Ya ka swala sikekele ni kutalima kwa pata, neba kutalima kwa mulaho kuitemuna, ha swaneli mwa nako.” Muzwale!

<sup>293</sup> Leliñwi la mazazi aa, kutazo ya mafelelezo yetezi Moya o Kenile yetozizwe i ka kutazwa. Leliñwi la mazazi aa, tobolo ya mafelelezo ika lila. Leliñwi la mazazi aa, pina ya mafelelezo ika opelwa. Leliñwi la mazazi aa, tapelo ya mafelelezo ika lapela. Leliñwi la mazazi aa, minyako ya tabernakele ika kwaliwa la mafelelezo, Biblele ika kwaliwa fa katala. Mi u ka yo yema fa Pila Mulimu, kufa piho ku so utwile busihu bwa kacenu. Kukaba cwani? Kukaba cwani? Fo Buka yetuna haita apulwa, kukaba cwani? Mi busihu bwa kacenu ha bu ta yo ku pakela, kukaba cwani? Oh, sina pina haibulela kuli:

Kukaba cwani?

Fo Buka yetuna haita apulwa, kukaba cwani?

Bona baba hanile Mupulusi kacenu,

Ha ba ka kupiwa kufa bukalabelo—Ku kaba cwani?

<sup>294</sup> Musebezi wa hao no yemi mwa nzila ya hao. Bashemi ba hao ne ba yemi mwa nzila ya hao. Nyazi wa hao wa mushimani na yemi mwa nzila ya hao. Nyazi wa hao wa musizana na yemi mwa nzila ya hao. Keleke ya henu ne i yemi mwa nzila ya hao.

Kukaba cwani? Kukaba cwani?  
 Fo Buka yetuna haita apulwa, kukaba cwani?  
 Bona baba hanile Liñusa le busihu bo,  
 Mu ka, kupiwa kufa buikalabelo—Kukaba  
 cwani?

<sup>295</sup> Ki sikamañi se mu ka eza ka sona? Mwa ziba nombolo ya sibatana seo ili sona. Mwa ziba seo liswayo la Mulimu lili sona. Ku itingile ku mina.

Mi Mulena ami fuyole, halunze lu yema.

<sup>296</sup> Zahao, Ndate, yakwa Lihalimu, lumeleza sishemo sa Hao ni limbuyoti libe fa sicaba. Tuhela Moya wa Hao u zamaye. Mi Moya o Kenile wa Hao u suluhele fa sicaba se, ni kubafa, Mulena, kolobezo ya Moya. Mi muuna kaufela ni musali, mushimani ni musizana, mwahali mo, a ngiwe luli busihu bo, ka Moya o Kenile, kuli abulele kuli, “Mulimu, nga kaufela ze Ni nani. Ngae lika kaufela ze Ni li zona. Kono, ni Ku ni konise ku ku sebeleza, Mulena ka. Ni ka beya kwatuko lika kaufela. Ni ka toboha za buitati. Ni ka itoboha muikuhumuso. Ni ka toboha keleke. Ni toboha lika kaufela.”

<sup>297</sup> Isiñi kuli ba zwe mwa keleke ya bona, Mulena, kono baswanela kuzwa mwa buino bo ba pila ku bona. O Mulimu, luma ba Methodist kukutela mwa keleke ya bona, fa mulilo, ku yo kutaza Evangeli; ba luma ba Baptist mwateni, luma ma Campbellite bakute, luma ba Katolika kwateni bakute. Mulena Mulimu, luma yomuñwi azwe mwa Branham Tabernacle mo, ku kutela kwa tabernakele kwanu, ka moya o ishuwile, o ikokobelize, o ka ya ku yo bulela, ni kulata, ni kulika kubeya sicaba mwa buñwi hape, ili kuli Moya o Kenile utahe mi uitusise sicaba. Luma lisupo zetuna ni ze komokisa. Toza mulumeli kaufela. Swalela sibi kaufela.

<sup>298</sup> O Mulimu, lu bona lisupo linze li iponahaza. Lu bona kota ya feiga itubula matali. Lu ziba kuli nako ifa kaufi. Lu bona kuli ndalamiti i beilwe mwa mazoho a muuna yo No bulezi kuli na filwe ku to sinya lifasi.

<sup>299</sup> O Mulimu, lukona ku hana cwani fa nako yetelele? Kana lukona kueza cwani zeo? Kanti, lu utwa Evangeli ya Hao ye fuyozwi hande ka tokomelo, ka swanelo; lu utwa Moya o Kenile ha u zamaisa; kubona Moya o Kenile u fa lisupo ni ze komokisa; folisa bakuli, kwalula meto a libofu, ku kutisa bupilo kwa bafu; limakazo zetuna ni lisupo; Evangeli ye kutazwa ki baba si ka ituta, batu ba litimbi, ye ne kutazwa mwatasa Mata ni ponahazo ya Moya o Kenile; lisupo ni ze komokisa za latelela keleke. Kucwani he!

<sup>300</sup> No ize, “Kambe mu zibile Mushe, ne mu ka ziba lizazi la Ka.” Haleluya! Kona mo kuinezi ni kacenu, Mulena. Ba bona lisupo za mifuta kaufela, za lindwa ni matata, ni lika kaufela. Ha ba


apule makepe a Bibe le ya kale, ni kubona fo kuna ni sikonkwani ya maili. Lu kwa mafelelezo a lusika.

<sup>301</sup> O Mulimu, zamaisa Moya wa Hao fahalmwa sicaba se. Mi habanze ba zwa mo, busihu boo, Moya o Kenile u zamaye ni bona.

<sup>302</sup> Mi kamuso busihu, Mulena, ha lu ka taha kwa pizo yetuna ya aletare ye lu libelezi kufa, lu lapela kuli tutala tu ka fufula kutala, libaka za litapelo libe ze fufula batu.

<sup>303</sup> Mi cwale, la Sunda kakusasana, Mulena, ni la Sunda busihu, ha lu ka kolobeza sicaba kwanu kuya ka Linzwi la Mulimu. Mi cwale Moya o Kenile usuluhe mwa mezi ani, ni kueza lisupo zetuna ni ze komokisa. Lumeleza cwalo, Ndate.

<sup>304</sup> Fuyola mulisana wa luna yomunde mo. Fuyola ma membala. Fuyola baenyi babali mwa munyako wa luna. Ha lu ye kwa malapa busihu bwa kacenu lunze lu nahana fa lika ze mwa lipilu za luna; lu yo kuta kamuso busihu, lu nyakalalile, lu tahe ni mañata. Lu kupa ka Libizo la Jesu Krete. Amen.

<sup>305</sup> Mulena Jesu Krete ami fuyole mañi ni mañi wa mina. A mu swalane mwa mazoho. Mu yo kuta kamuso busihu, mulwezi likupo za mina ni ze mubata, ni ku li beya fa katala. Mi Mulimu ami toze kamita, abe ni mina! Amen. Mulimu ami fuyole. 

*LISWAYO LA MULIMU* LOZ54-0514  
(The Seal Of God)

Liñusa le ka Muzwale William Marrion Branham, neli kotalizwe lwa pili mwa Sikuwa Labufaifi musihali, Kandao 14, 1954, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)